



楚庭耆舊遺詩

廣東火
民南海伍崇曜紫垣緝

前集十六

李黼平

字里見前

固城

固城

李黼平

固城微雨鷓鴣飛叢篠烟籠水四圍見說貞元孟東野每
來湖上不思歸

太白酒樓歌

深陽三月楊花飛船牕雪落一尺圍山明水媚吟興劇高
樓獨倚驚馳暉馳暉一往不相待歎息開天幾人在昭陽
謠詠妒蛾眉終遣纍臣走江海羯胡鞞鼓動咸秦兩河颯

楚庭耆舊遺詩集上

一

颯吹烟塵張良未逢下邳叟韓信見鄆新昌人當時掣鈴
入官府夜光驟握驚田父主人流目看靈鴻坐客摧肝唱
猛虎卻來此際一延眺江介壺漿感漂女共羨金陵汗漫
遊誰憐青海婆娑舞丈夫或失志十步九太行古人且如
此今人益堪傷青綾赤管華省郎葛屨寒涼同履霜鶴病
何心戾蓬島鳳飢尙欲凌崑岡瑤牋不來延佇久旁人勸
持一尊酒地漢天膏到處多瓮頭缸面尋常有仙會胥門
早放查油囊五斗送流霞雲端太白亦應去脫劍醉宿專
諸家

隋宮

蕪城一望但斜暉底事當年樂未歸戰艦才從桃葉渡行

宮已見李花飛鷄臺昨夢因風斷
螢苑寒光帶雨微惟有
遺民歌水調淮南江北總霑衣

寄升甫

江上啼鷓鴣喧嚶催寄書寄書向何許
有弟在東吳兩兒
就問字共處蝸牛廬含毫久未下寸心自躊躇
但言客貧
辛曷以慰一家因敘江北況用誘城南符自離金閭亭五
辰至丹徒大江一天鏡與客鑑鬢須金焦兩烟鬟迎客登
舳艫萬丈波血色翔陽曉升霞神山倒水底海浦三蓮華
回首眺北固撐空開畫圖鐘梵淨名庵雲烟多景樓江光
襟山翠濃淡勻相鋪西睇金陵山點黛露佛頭稍覺遠林
杪晨嵐帶模糊倚柁看不厭落帆已揚州是邦多故人任

楚屠書壽集六

二

俠數田侯憐此穉穉子華軒假雙梧冰盤白雪藕碗綠
沈瓜晚涼開高燕懷古琅琅歌江重關復復臺沼皆荒蕪
凜也應反氣非也縱驕娛諫說問鄒枚匡正懷仲舒當年
三君子顏色未敷腴能賦動梁苑明經高漢儒士果能自
立何憂道艱虞爲詢兩豚犬頗解脩業與魯陽雖云猛不
能刃飛鳥后羿雖云工不能射蟾蜍少壯忽而老何堪玩
居諸時常緒風興酷暑略已除南廳開籤帙先念叔與吾
使我荷刀弓不則爲農夫有賊豈能殺無田又焉鋤惟此
架上籍文言承慶餘大端已開豁精義勤爬梳一旦業有
成文章炳騶牙山川助奇氣挾之觀上都京口廣陵閒皆
予經歷途渴吞鐵瓮水飢嚼瓊花不江淮好風景端可巾

箱儲

家古胡切霞音胡華音敷樓音闕頭音徒州音朱侯洪姑切瓜音瓠歌音居牙音吾不音敷

客從故鄉來行

客從故鄉來，貂帽靴虎皮。入門脫純鉤，慷慨談英夷。詔言滿交廣，粵事殆莫支。大扁張三帆，乘風踔無期。桀揭包禍心，不在市舶司。謂客且安坐，何渠浪傳爲。須彌四天下，彼處西極西。義利隱若木，王母見條枝。漢家定遠侯，遣掾能撫綏。昨者思面內，天清海無波。使臣一葦橈，飄忽時月稽。藁街住蠻邸，未習鴻臚儀。胡毘畏廷見，譁然起羣疑。一以爲怪鳥，一以爲脩宅。春秋待遠人，褒貶各有宜。杞本先代後，不共致興師。他如介國君，任辨牛生犧。荆人啓山林，藍縷婚羌氏。朝聘均未成，經書示嘉之。遐荒能自通，那復爲

楚歷舊詩粟去

三

藩羝其來義，弗拒其去義。弗追指南導，出疆自古惟。羈縻吾間嶮，嶮閒遠近役。屬多黎軒諸，城郭寶衆皆。收羅左微大，雀卵右賦駭。鷄犀珊瑚株，火齊盤照夜。光陸離網利，澳門外高樓。切雲霓，崔巍據山椒。俯瞰仙城卑，有人宣威德。奔走旋下來，其王嗜茶芽。曷敢越厥志，堂堂征蠻府。轅門卓靈鉞，樓船彎環列。姣女蹋弩機，農桑七十州。意在安蒸黎，肯戲人性命。以崇己班資，姑歸耕駱田。飽食無唸呬。

波音

章移切羅音
離志音支

太倉訪曇陽仙子祠四首

又見黃花映曲籬。仙子萬曆八年重九日仙去城南縹緲拜靈祠。一灣

秋水思羅襪。當日春山學畫眉。弄玉性耽樓上住，飛瓊名

恐世間知九霄未易聞鸞鶴且向苔階讀舊碑

艸木平泉擁麗春香車不碾陌頭塵璇宮織錦機聲歇金屋簪花筆格新廿九伏書無錯字五千唐韻有傳人烏衣

馬糞多英彥盡乞飛霞佩在身

仙子王文肅公次女通經史大美兄弟師事之

落梅粧閣問清脩人道唯應上界遊翠水祇今甃磬筇青

溪何故誇空候瑤姬暮雨嗟成夢玉女明星看洗頭地下

有人逢庾信罪他詞賦太輕浮

世傳湯若士牡丹亭爲曇陽作也

清颺蕭蕭薄窗櫺值得雲帆半日停自落塵埃多患難欲

除荆棘問仙靈三生紫草昌容訣一卷黃庭內景經知否

度子蓬島去婁東門外卽滄溟

青陵臺磚研歌

雲臺前輩藏

華曆舊遺詩集六

四

青陵臺是何人事河大水深千寶記九域翻傳烏鵲歌夫
差小女疑無異青陵臺向何處求或在鄆城或封邱片磚
出土乃在汲苔纏蘚蝕貞魂愁中州開府能博攷古篆分
明三字留因方遇圓琢作硯榻本流傳天下徧柏寢齊桓
器再窺芷陽秦代經重見科斗摩挲不忍讀詞人蘸筆傷
蘭玉藁砧已死難獨生同穴盟言皎如旭一夕天成比肩
墓千秋人識相思木寧聞小吏拋廬江終見佳人殉金谷
春秋大義褒共姬河廣一葦行何時宋都風化久未泯彼
君子女其知之滑城事往如夙昔幾家賂賣頰籌策紫襖
秋風寄與誰寶釵絕塞留難得聖恩寬大許入關軍書火
迫催生還水清石見一會合焉蘿松柏真纏綿此硯想隨

戎幕閒桃花雨泣胭肢斑

清明虎邱卽事

東風作意放春晴遣興聊催蝶子行烏府冰霜餘涕淚白
隄烟雨又清明山阿自改迎神曲江表咸知誓墓情卻倚
寺樓頻指點垂虹南畔是歸程

雲伯招集六園同鎮洋彭甘亭明經兆蓀嘉興沈西

雍大令蕭吳縣董琴南編修國華琢卿孝廉國琛

潘功甫孝廉曾沂長洲王井叔秀才嘉祿沈閩生

秀才傳桂韋君繡秀才光勳曹稼山培吳縣徐玉

臺秀才尚之震澤仲子湘秀才湘長洲褚仙根秀

才逢椿元和朱酉生秀才綬延秋賦詩兼呈西雍

楚屨舊詩集去

五

二首

去日堂堂不可留送春無那更延秋積唐且共諸公醉搖
落先深九辨愁入畫叢蘆催雁下分題芳草惜螢流欲知
此會堪千古天遣多情領勝遊

客邸禪棲半月留本來名士愛悲秋雉城舊令人皆識騎

省閒居我亦愁積貯吳中關大命是日西雍與雲伯座中論積貯文章江

左慮橫流如何一夕林塘話迴似南皮念昔遊

趙承旨硯歌爲沈西雍明府賦

吳興書畫世難到遠法晉唐窺閩奧風流歇絕五百年一
硯流傳等圭瑁此石康熙中得之攷古曾經陳與冒水繪
園中絕烟景論詩說賦才名諫亭亭楊枝拂淺立浩浩梅

花橫筆埽先生昨宦如皋城孰惠瑤瓊投所好金錢火捺
自云珍紅絲紫雲定難傲清蔭禪林六月末名士披襟齊
脫帽松雪蒼涼憶天水鷗波蕭瑟翻旗纛雖懷學士共摩
挲頗爲王孫傷節操我未見硯難隨聲作詩卻欲存公評
貴戚不同異姓卿九廟爲重一身輕紀季入齊經不名此
亦微子朝周情君看淚滴蟾蜍盈崖山絕壁風雨暗尙有
黑龍歸水晶

臨春閣磚硯爲雲伯賦

我初客金陵有意訪三閣淮水杳烟霧臺城但叢薄君今
獲殘磚何知非依託君云光昭殿瓊甌露牆角銘鏤至德
年厥證尤確鑿天質嗟完好神工謝雕琢遠慙漢甘泉近

魏魏銅雀齊雲最晚出寧不可與較華軒會銷寒詩向同
輩索呵凍一掃染懷古增惋愕何年張星墮流光入羅幕
樓頭粧始成膝上記無錯遂倚長江險恣爲後庭樂龔孔
旣妖冶袁何亦綽約君王顧而喜新聲被罄鏘璧月不長
圓瓊樹有時落蕭蕭青海驄一旦門外躍摩陂龍再見倉
琅燕奚啄伏與甄后同詭且息媯若晉王忽受諫流血丹
霜鏢人言錦帆至帝遣紅梁酌心肝真全無至死昏不覺
嗚呼妹妯後顛覆事如昨鎬京處豔妻一笑戎已略阿房
充美女三月燎難撲魯史于夫人猶譏飾楹桷況以羣婢
籠乃使百堵作婦順貴明章家道無嘻嘻窈窕狀官闕貞
專固當學君喜領其言分牋試東郭

閩門送客

水西樓閣玉參差，楊柳花飛客去時。
錦字緘書千種恨，蘭溪歸櫂十年遲。
香頭夜雨人初到，婪尾春杯酒莫辭。
吳下行蹤如向說，紅閨應蹙遠山眉。

富陽

人語趁墟喧，風聲送潮落。
夜醉餘杭酒，朝吟富春郭。
水木漾明瑟，風烟迴披薄。
列岫張畫圖，羣仙此焉託。
青霄蔭旌節，白晝聞鸞鶴。
恭承松子召，遂荷桐君約。
嬋媛渺何底，欲往未敢諾。
倦羽戀故林，歸雲依舊壑。
一采北山薇，進棹無淹泊。

桐廬

桐江何處來，乃自天目山。
紫溪將赤瀨，屈曲赴人間。
漚漚爲新安，江風漪清且。
漣游鱗仰儼，澗脩竹俯檀。
巒空中放烟棹，水際求雲巒。
觸境皆有獲，委心相與閑。
沿流牽弱苒，遵渚擷芳蘭。
忍以纓上塵，污此寒玉灣。
惟應古男子，終日來垂竿。

十八灘

青山綠水橋白舫，紅流幕垂楊。
拂錦鏡美人倚，蘭櫂正逢豔。
陽月齊下金閨郭，兩頭甘脆實。
中流絲肉作朝從，桃塢去暮傍。
蓮涇泊三載，遊江南輕舟往來數。
如何萬安縣雲昏，水參錯懸流對面射。
怪石將人搏，靈胡縮掌蹠。
神禹謝疏鑿，遵途廣復狹。
進帆前且卻，語卿蘇州好不及。
贛州惡

贛州雖惡近故鄉蘇州雖好離夢長

灘師

長灘三百里一灘一洞汎長年卽灘師藉手延尊宿一師
當船頭左右點篙竹一師船尾立把舵如槁木半日上數
灘計里亦神速問師致至此至巧毋乃熟師云心專壹不
係手與目大石如尊官袍笏何雍穆小石如奴隸環侍刀
劍簇我舟出其前道在勿與觸迎風漸黃緣得水隨屈曲
要津已高據尤宜緩相逐總看石喜怒以爲舟往復譬官
宦江左此理亦應燭狂直兼慙愚無益祇取辱惟能柔道
行斯可干百祿我初聞師語倔強心未服徐誅言外意道
德家所錄再拜謝灘師險途得平陸問答未及己已過天

楚屢書遺詩集卷六

八

枉麓

珠崖太守行 有序

文選劉越石答盧諶四言詩云資忠履信武烈文昭註引
漢武帝贈故珠崖太守董廣詔曰伐叛柔服文昭武烈廣
東通志舊失載乃告志局諸公爲補傳啓開府陳留公檄
瓊府縣祠之庶茲邦父老知顓顓一水中得入版圖自太
守始也

珠崖太守者董氏廣其名有漢元鼎五年誅勁越四路各
進兵得其地以爲七郡南海蒼梧鬱林合浦日南交阯關
九真鬱水右岸是有元國民畧爲珠崖儋耳二郡臣開關
未臣竊意當時將率有太守招懷勦拓十六城旋叛旋服

惟壯猶是經惜哉史漢軼其人府縣圖志亦罔或克稱弗
獲與夫樓船伏波戈船下瀨炎嶠共揚聲崇賢註選羅散
失茂陵一詔幸可徵文昭武烈驃衛所莫能得太守獨追

增

詩毛傳贈贈也釋文引崔集註云
增益申伯之美按贈贈音義同

此事豈不堪依憑君

房棄郡天且刑彌思惟紛加冠纓敢告征蠻府廟焉妥厥
靈俾暉都士女以時豆登春祈秋賽穀豐果盈門闔鼓賦
雲垂海溟金支翠旂躡皇翎摩拊奇甸之萌生天札不作
災勿興元封辛未下逮道光辛巳一千九百三十有一齡
潛德一與發天琛來九瀛

曾勉士秀才

剡 贈宋高宗孝經石刻

宋孝經石世已稀廣州學左碑高巍會君考証初響揚隸

楚庭著書遺詩前集六

九

藁剝落千珠璣建炎幾暇遊翰墨妙處直入鍾王扉五經
立罷復書此要令孝治光同圻鷗之鶴之謠出辱塵沙北
狩蒙青衣諸將沈沈復疆土一人惻惻思庭闈金繪歲遣
祈請使爲親而屈涕暗揮枕戈嘗膽或一道重瞳棄蹤寧
當譏冰天慟哭弓劍墮兩官安車終見歸小儒讀史眼如
豆出口便議和戎非開臆盟誦到終卷我爲人子增嗟歎
二親宅地雖已卜春秋祭祀一再違海山又逢寒食節細
雨潑火烟霏微摩抄古碣足悽斷隻鷄上冢神魂飛

鐵君貽手抄華嚴末卷賦謝

自我出幕府君三過我廬每來必譚藝聖籍相爬梳不見
又旬月頗怪形影疏今晨楚然至入門執我襦謂我盛壯

日曾參鳳皇墟一麾卽落魄七載羈姑胥惶惶驚弦會浩
浩失水魚今雖返鄉土未得躬耕勸東官寄弱小能得樂
糞菹子如誦華嚴憂患當稍紓裏示行願品中懷轉躊躇
士生讀姬孔不習西方書晚年乃逃禪祇博人軒渠吉凶
恆倚伏榮辱迭乘除非分妄相干朋友其詈予君言子何
固輕信俗毀譽欲知釋氏法請爲湖權輿迦維昔利見八
會說真如竺蘭從西來插架銀函儲其文破萬有淨住爲
安居後世攻陸王冥心涉空虛強名曰禪學會未窺門閭
世與出世間所當辨其初家國了無與何嘗言學歟惟觀
煩惱海混漾失尾澗大悲因衆生拔濟願無餘六經言求
福尤一一可臚心香默有禱與聖無鉏鋤我起繡貝葉一

字一璠瑒如浴八解水勝憑五行車鷲峰隔者岫象設存
休屠咫尺大願王亭亭涌芙蕖竒窮焉能脫舊疾或可祛
願身永強健穩跨尋山驢

怨歌行

煌煌八桂林孔翠共翔棲有何山鷓鴣巧舌盡情啼稷下
論學士荀卿最老師一被齊人讒再遭楚客譏飄然拂衣
去珪組焉能縻瓦礫混隋和菅蒯誤絲絃媿棄曠野蓼
母充房幃自古良已然去去中心摧詒書指天帝肝膽披
向誰水流不顧返雲散何時歸我欲竟此曲曲竟斷人腸
心堅貫金石道合無參商願爲鷓鴣鳥斂翮上君堂三萬
六千日和鳴懼未央

除夕

風光臘盡又天涯酒向南鄰畫地賒
聊約賓朋來度歲暫令兒姪莫思家
夜長屢問銅盆火春到先開玉燭花
明日舉尊還自賀珊瑚洲畔著遊槎

南園詩社行

大正久亡風委艸後生望古傷懷抱
朝陽未放節足音蟬蟋嘶吟元末造
孫王歎起五管中力挽隕綱無限功
一時聲律諸九奏象箭胥鼓追姬宗
百餘年間孰繼軌歐梁黎李連翩起
瓊瑤玉佩放厥詞籍甚才名仍五子
有如邨廓續周召不比永嘉聞
正始文讌翰林兼子墨丹青偶爲叢
祠節國殤山鬼送迎神豈料銅駝徙
荆棘厓山波浪猶未

楚庭耆舊遺詩集六

七

滅黃屋南來如一轍取日難回壯士心
垂虹迴噴孤臣血一代興亡何處見
抗風軒裏詩三變高薤吟成氣慨慷
松桐謠起聲悽戀文章忠孝兩臻絕
詞人到此開生面呈移物換速奔蛇
春入南園千樹花冒戶游絲穿乳燕
拂簷垂柳噪棲鴉此地誰還盟玉敦
此時誰更飛銀槎惟餘火齊天香曲
翻作夷歌唱晚霞

西庵集廣州歌云丹荔枇杷火齊山素馨茉莉天香國市舶夷人皆能誦之

正月十一日赴東莞二首

津亭楊柳露初乾一棹伊鴉向寶安
山髻愛窺江鏡大湖頭貪闖海門寬
全收烟水歸吟卷肯踏塵沙負釣竿
此去養疴無別物黃魚白蟹勸加餐

東莞圓螺洲出白膏蟹

幕府池臺見未曾小憩亦倚石峻嶒當時似惜帷車婦今
段差同退院僧殘碣上心三日宿好山迎面十回登移居
莫笑邨夫子賸欲煩人寫剡藤

和海月巖石刻詩

有序

海月巖有趙東山刻石詩云架巖鑿石好規模不學桃源
舊日圖亭作人稀林鳥樂錫飛天老野雲孤雨餘石井泉
深淺烟淡虎門山有無說與山靈莫分別從教仙窟著浮
屠東山號野仙系出宋濮邸宋亡不出往來海月巖法性
寺東莞宋八遺民之一也予客此半年未得往遊乃和其
詩

結構依然舊日模片巖猶識宋輿圖王園寂寞餘支子神

楚賢舊詩集卷六

七

岳沈浮葬藐孤祀夏二斟何處有亡秦三戶豈曾無厓門
西望悲歌日賁恨長鯨手未屠

温塘茅屋歌

宋趙玉淵國
亡後隱温塘

春衣愛作温塘客南渡遺民留故宅苦竹叢蘆一千頃蒼
涼天水傷心碧丞相初歸開府時參軍正贊勤王策五坡
兵敗鼓聲死猿鶴蒼黃鹿何擇當年遁迹東官東大海雲
屯升黑龍兩崖插漢天險失河山一角斜陽紅舉家北轆
難再辱青珊竄伏荆棘中金支玉葉問華胄尙留海月窺
行蹤趙東山遂有四族翼九宗田橫尙保三齊封留侯系出
韓諸公先師黃石後赤松惜君不收反正功甘作詩客號
秋蟲遺編哀怨誰忍讀禾油葛誕吹酸風一姓再興曾有

幾隱身合住烟江裏文山雖往面猶生

玉淵在溫塘朝夕
吳拜文丞相畫像

碧澗難填心不死西登大漁東甲子歸去血染溫塘水溫
塘水咽故籬門忠義榴花別有邨總勝鷗波亭子上遊人
齒冷趙王孫

門人梁章冉 延耕 圓香夢樂府題詞六首

若論北里繪相思一代懷寧絕妙詞別有蹇脩緯繡恨更

尋殘夢譜參差

墜鞭迎得紫駟來邏沙檀痕咽幾回訴與瑤姬原是客可
能朝暮住陽臺

迴憶清歌送別辰牽衣款款語泥塵重來坊巷都依舊不
見櫻桃樹下人

楚辭舊詩集卷六

三

花易彫蕭月易沈夜涼環佩有遺音生天自荷師王力未
抵迎陵共命禽

家門初立看收場仙會須臾墮杳茫誰信有情成眷屬桃
花遺恨孔東塘

一色伊涼坐伎圍人間樂府進天扉而今莫唱新翻曲供
奉宜春已放歸

鐵橋山人射鹿圖

人皇跨海依汴州鄉夢遠墮東西樓每鑿生絹寫獵騎風
沙莽蒼徐無秋九幅宣和歸祕府世間遺墨那可睹此圖
儼作蕃部裝人物雄奇摹講武將軍臂鷹調玉鏃美人如
花佩魚服夜迎新婦朝圍山三騎嘶風緩相逐後有一騎

牽鵲盧一騎教馳新放牧最先一騎虓虎樣蹄間三丈無
坑谷弦鳴霹靂箭叫鳴一發橫穿兩麀鹿山人畫馬自絕
藝何以能諳遼水俗當時將帥下粵城駐防盡用黃龍兵
郊原草枯馳絕足追蹤要跌夸身輕遺民偷眼貌田獲殺
氣連雲餘戰格如庵歸臥知幾年已訪寒山問牛跡
如庵在東湖寺側山人施地建此

資福寺羅漢閣東坡殘碑

雄筆銘高閣先徵舍利金光棺同布施寶蓋共飛翔驪目
沈寒水龜趺冷夕陽如問鐵橋下釀法百靈藏

和孟山女史二首 有序

堯人于南城下拾得小碣有詩二首云幾株山樹露盈盈

楚簪舊譜彙夫

古

總是愁人淚滴成試把愁心問明月今宵明月爲誰明對
粧鸞鏡舞山花暮倚長松樹作家風伯不知愁思苦山頭
夜夜起悲笳末云祁瓊孃題于孟山之陽詞旨悽怨依韻
和之

小碣行行玉筍盈空房間月句初成流光欲識徘徊意爲
汝晶簾立到明

春風庭院唱楊花粉黛香愁自小家翻入珠孃絃索裏一
彈一拍過秋筩

海運

於戲嘉慶中至計籌海運織兒懼艱鉅風波塞 清問
唱聲主會通故道循泗汶一語牢莫破千言散誰櫛苦思

前歲冬異漲決淮坊連雲舂鋪集手足嗟瘵敲黃流浩奔
衝平地涌魁漢飛沫捲林木餘波沒檐楹是時南糧來候
風占月暈邇猶隔邠宿遐豈臻兗鄆誠知沿泝艱不在囊
橐幃一歌丁都護淚落不可拭 至尊宵旰勞惻怛思
往訓地形規今古 天斷仗明斤瀛滄禹績存綱舉條
未紊緬維碣石右最與逆河近雲帆馳天墟塵淨波不溢
先驅役馮夷後屬奔伍員天吳挾水怪惕息屏扉隱功資
神靈扶事倍牽挽奮我初發狂瞽亦祇循職分所懷終得
申自賀頌美醜方今歲其有穀熟連州郡幽燕黍未登吳
越稻先粉重洋獲利濟百爾當恪急朱張彼何人無使專
令聞

楚簪舊遺詩前集

五

北海亭歌爲鹿怡亭明府

九宗賦

雨雲翻覆憑人手世上已無肝膽友太行孟門論險艱志
士聞言淚盈斗急難從古少良朋恨君不聞北海亭北海
亭在何許乃在易濡二水之所經前代高人身姓鹿誅茅
特爲延賓築望氣青牛過散關談詩白馬來穹谷北寺南
牙水火爭大璫張網打羣英飛章并逮左周魏九門白日
無光晶三家子弟紛絡繹蛇行鼠伏藏蹤跡樽酒偏逢孔
文學壁衣重遇孫賓碩其時鉤黨鉤未已君上茅生亦來
止俠骨千年柳市齊靈光百尺蘭臺峙奇鱗失水困江邊
煦濡涇沫鎮相憐周周飲河必銜羽蜚蜚嚼草亦比肩魚
鳥無情尙如此故舊胡爲中道捐陳餘戰歿張耳報冤周

顛橫戮王尊不言吾誠不能知其度量何相越願上北海
亭青天掇明月

讀太白集偶題

好色端由小序開高唐神女夢中來那知世有登徒子奮
舌能譏冠古才

觀賴山人寫星巖粉本

七星在雲不可攀清輝耿耿映銀河灣河流瀉地星化石鏡
倚天孫梳曉鬟湖光山翠相媚嫵依然天上非人閒雲谷
先生好奇者戲礮橫素摹孱顏端江迢遞五百里凌空信
有飛來山七峯羅立勢相顧中有圓屋形模圖石鐘地鼓
不備列百神觴後歸清班有山無水亦恨事恰稱十頃玻

璃環聞君脫藁將贈客夜光暗投人必訕不如卷圖竟歸
我自付邱壑緣非慳疇昔年才十三四大人攜我康州還
捨舟高要行北郭瀝湖厲過流淙潺崧臺晨拾石乳綠屏
風晚折山花殷名區一別四十載敝車羸馬趨塵寰眼明
見此豈再歷若坐茂樹聽綿蠻古來藝事貴商確少宜潤
色多可刪高公西湖寫古木吳興爲補湘妃斑黃鶴染皴
井西到遠峯樵徑增幽閒吾家兩賢開勝境小子亦願誅
榛菅危臺扶嘯留一角貌予了髻弁霄關

閒中雜詠四首

冶城規諷意無窮峴首勳名事豈同不解方人銅雀伎瓊
邪何至薄羊公

牛渚高才借品題青蓮吟望首還低過江名士多如鯽
一能瞞謝鎮西

袁伏同時宿府堂桓公偶爾欠評量感恩豈必非知己人
道昌黎是楚狂

一庵初日最清新黃九談詩妙入神若就龍門論天閣涪
翁原自怕人噴

近有二首

近有東南信傳烽島上明凌波新教戰橫海自行營覺是
挑桑起仇從取麥成但須分曲直一檄可銷兵

昔在滎陽日初聞女滅雞

鄭氏歸順時先有
生女滅雞之讖

五城稀戶口

百粵共耕犁鼠鬥事么麼鴻嗷聲慘悽彭湖兵已奪飛渡

救遺黎

楚歷著書遺詩集六

七

新塘曲

中塘北出是新塘畫舫沿流目送郎卻向別情洲畔過一
江涼月睡鴛鴦

秋日有懷鐵君二首

記送嬋娟子栖栖又幾年才名人盡識經術世空傳嶺月
吟蛩後江雲落雁邊相望不可見珍重角弓篇

知己論師友平生冀與吳

石亭解元
蠡濤方伯

晚逢考城裔不恨賞

音孤人謝英賢傳詩慙主客圖祇應重把臂一室證文殊

平定回部凱歌十二首

同部張格爾反陷喀什噶爾
沙格沙爾葉爾羌和闐四城

進擾阿克蘇

命大學士伊犁將軍長公齡
佩揚威將軍印討之張格爾敗走收復四城

皇家聲教被天方葱嶺于闐道路長六十年來披版籍西

門何止到高昌高昌漢車師前王地唐太宗平高昌設西州治交河縣唐西境盡此今為土魯番地

屬鎮西府管轄

當日 天戈慶削平那知苞葉久仍生樓蘭縱有前王子

不合公然盜故城

麗江羽檄似星流元老南來有壯猷特賦禮魂伸握節轅

門先斬郅支頭

武帳文謨制勝先徵兵萬里過祁連鈴鈴牛鐸登三隴獵

獵蠡旗向五船

河外傳來盡賊壕馮牙初出陣雲高玉堂金匱胸兵足格

門休矜大食刀同部在唐為大食國

楚屠蒼蠶壽剪集去

六

潛從丹微煽黃圖匿影思逃斧鉞誅不見郁成西走日康

居惶恐獻亡逋

四城先後望風奔三捷威稜屬國尊碎葉銘功何足數碎葉

唐安西四鎮之一裴行儉安撫大食刻石紀功于此要扶銅柱立崑崙于闐河出仇摩置漢武名

曰崑崙今葉爾羌南山是也

諸回釋甲競投戈撈玉仍居塔里河于闐河今名塔里母河 見說莎

車田地美耕耘有意學宜禾莎車在于闐西北漢武屯田於此去輪臺千餘里今喀什

噶爾地宜禾漢車師後王地漢置宜禾都尉晉立宜禾郡今為鎮西府屬縣

罷戰軍門賞犒重月氏駝共鬪寶韋偏憐有角宛城馬騎

出人人道是龍

野宿春風壁戶開平安候火徹輪臺傳飧不用膠投水人

與蒲桃酒百盃

玉關遙夜捷書飛，橫吹聲中壯士歸。破陣樂成傳印度，支

那天子自垂衣。

北印度即北天竺在葉爾羌西南印度王問破陣樂于元樊法師法師具述之

王曰不如此何以爲支那主

葱河南北靖烟塵，甘掾虛聞望大秦。弱水流沙塗五萬，卽

看西母再來賓。

五雲亭謁何忠靖公祠

碧瓦朱欄俯逆波，升堂猶憶劍橫磨。唐家已見朝馮益，漢

使奚煩論趙佗。東第回翔辭祿數，

忠靖洪武間凡三致仕

南園風雅

授餐多斯人不起空高詠，惆悵雲帆歲歲過。

回部後凱歌十二首

時張格爾就擒

楚屢舊壽粟主

七

歸師前度過渠犁，怪鳥裴裒少定棲。白草黃沙天一角，蚩

尤旗曷大荒西。

風雪凌兢偪歲除，喀城東下伺空虚。

張格爾聞喀什噶爾城官兵已撤于七年

十二月潛入塞內句

邊民五尺知忠義，肯爲亡人更出車。

七千精甲夜銜枚，山下剛逢敵戶開。生捕昆彌歸幕府，

揚威將軍長公齡固原提督楊公芳十二月二十七日得報將輕騎速發除夕追及一戰擒之新正月初三日檻送京師

軍真箇自天來。

麗水囚人桀黠多，曾煩金鼓問伽羅。兒孫久已寬湯網，白

外生成奈汝何。

兵家制勝在攻圍，亦有神靈護建威。嚴鼓未終羣醜拜，

花叱撥箭雲飛。

揚威將軍素擒張格爾日漢前將軍漢壽亭侯顯靈助陣

俘獻長安喜告成兩階千舞八風清天威直讐無雷國四

季長聞劈歷聲

于闐氣象一番新閩寄由來荷重臣從此軍中無女子採

花猶見似花人

先是回民怨各城士卒役留其妻女故聽從張榕爾句結太白集于闐採花樂府云

于闐採花人
自言花相似

禹甸輿圖尺寸收昆侖諸部盡懷柔漫夸戊校中央立張

幕河源最上頭

命參贊武公陸阿鎮守喀什噶爾其地在海多河塔里母河兩河源之上

黃封重疊介圭頒

長公封威勇公場公封果勇侯

甌脫烟銷上相還快意

條枝看日入旌幢綬度陽關

縛袴初臨雪海墮下車匪直望舒圓虎頭蕩佚真奇策勿

吝刀圭救後賢

楚屨著舊詩前集去

辛

行人借問洗兵時昔往今來未及期

七年二月初六禡牙十二月除夕張榕爾

就擒誰識

皇仁深不殺春風已覺勞歸遲

烏壘邇茲未要論

漢都護駐烏壘唐都護駐龜茲

雲臺最憶畫圖存特緣

南仲徵皇父持節龍沙議宿屯

命直隸總督那公彥成往西域與揚威將軍會議善

後事宜阿文成公孫也

師子嶺宋宗姬墓下作

宋高宗女也南渡散失堯人鄧姓得之以配其子光宗時

留手書遺其子上閩帝為惻然賜田十頃今墓猶存

靖康喪亂如崩波泥馬蒼黃初渡河中興若擬少康起二

姚不娶餘過戈乘輿到處開行殿寇警遙聞色皆變江上

瑤華戴月奔天邊穰李衝風散飄宕偏依珠水濱東官小

家曾結鄰窺來玉葉金枝色羞死濃蛾盛鬢人其時黃屋

尙東巡臨安作都信未眞貴主還宮定何日山重水複多
烟塵蹇修勸作民閒婦裙布荆釵信嘉耦光陰倏忽歷三
朝留書遣子聞朝右光宗覽之爲惻然詔賜十頃粧奩田
卻因南海合懽日轉憶東京罹禍年平順驛前徽聖宿雲
鬢送酒吹橫竹欽慈族嬪魏王孫自敘流離淚千斛落花
飛絮雲中府有客相逢似相熟瞥見宣和舊日粧愁聞按
出新翻曲全國語謂金
爲按出虎一種璇宮帝子家誰令淪落俱天
涯彩鳳飛隨白頸鴉猶勝玉貌摧風沙師嶺雲連松柏暮
千秋人識埋香處趙家塊肉葬神山五夜凌波赴朝去

臨池三首

藤角桑皮一尺堆終朝衫裋黧松煤金門據地猶前日老

楚歷舊詩集十一

三

作書師亦可哀

門限穿來鐵葉遮籠鵝誰似管霄霞中書心盡頭俱禿才
博西樵兩合茶

衰顏未必上屏風紈扇家家姓字通一帶江樓三十六嬋
娟都喚著花翁

大漁山歌

一騎吳山山頂立畫圖開處軍聲急何知乃有虞參軍坐
扼長江不能入中華名勝未易攀到今吳越說完顏捧心
效顰態更醜鬼戎又欲居漁山漁山秀插溟海洋鏡裏常
搖青黛光寒濤萬頃接蓬島飛雲一氣連崑岡祝融祠前
蹲二虎大虎山小虎山
俗謂之虎頭門正賴漁山塞門戶浮查特許外藩

來築室奚容他族處如何左右求龍斷狂詞屢上征蠻府
府公玉帳臨河魁不懼堂堂先諭汝 朝廷垂衣干舞階
天方大食俱威懷將盡堯封曠鳥弋肯從禹奠捐朱厓汝
如跳頭求必得樓船十萬漁山側黃龍一躍滄波飛請看
書生親破賊

防海四首

宛宛龍編戶耿耿虎守門地開軒后遠神鎮祝融尊五管
聲相應重洋氣可吞西平韜略在譚笑制游魂

日月無私照懷柔編九垓但令通襍貨不許眩奇瑰出地

三帆轉

西人來粵海中忽見南北極俱在平地蓋所到之處已在地球之晝夜平線間更轉而南過大浪山則見南極出地三十五度可知 枯天一葉來艱難茶薈得

其地正與中國上下相對也

楚庭舊藪詩前集十六

三

慎勿負 恩培

蠓鏡前朝假當時計本疏天街曾越限海島自爭居梁灼
龜身駕樓臺蚤氣噓先人軍志有鱗艦布扶胥
叢爾英夷國縱橫网利多蝸居常戰鬥蠶食莫誰何麾扇
中軍出銜刀壯士歌惟應驅逐盡萬里看銅磨

廉泉二首

潔清貴自好非水能使然此泉以廉呼泉口胡爲傳小民
無愚智皆願官長賢望之不可得遂以責斯泉斯泉有神
靈重任恐難肩不廉詎吾罪廉亦何功焉功罪兩不居庶
幾能自全君看黃嶺下日夕常淙淙

居貧飲鹹苦習慣成自然何從得甘冽此水人爭傳坎盈

隨地勢并收經巨賢至今山下人結廬愛鄰泉炎蒸救
喝用息勞者肩我來試茶具若有餘憾焉飛流灌城野利
溥功斯全安得鄧道士駕篔通潺湲

蓉查見過

門無行迹草生多冷淡非君孰肯過真願低頭拜東野不
知回首望西河笑譚各忍依人淚抑塞當爲斫地歌轉眼
春風吹岸綠湖堤先約並鳴珂

鎮口竹枝辭四首

聞西山下夕陽斜無數漁舟纜樹樞一陣潮來齊起汕小
鬢分艇賣梭花

一碧師洋鏡面澂夜航遙喚小船鷹風光欲近元宵節歸

楚庵著舊遺詩更集大

三

客都擎九子鐙

無邊春滿水雲隈杏靨櫻脣次第開打節不曾逢鬼宿

荒謔

云一鬼打節有一颺打節者
如立春日值鬼宿卽有颺風耶船安穩看花來

雙虎崔嵬插漢間寒潮鳴咽打城還遺民豈復知朝代愛

說官家駐蹕山

大虎小虎山在關西山之西卽
秀山也宋張世傑奉端宗駐此

次韻蓉查五坡嶺新脩表忠祠

神叢一樹高峩峩行人下馬匍匐過雲旂赤豹見仿佛被
帶薜荔兼松蘿丞相成仁基此土祭文寧假王炎午傍風
上雨久傾墮起廢財聞申大府新宮丹堊輝空山舊碑洗
出苔花斑鴻篇鉅製重刻石要與瑳玉相追攀閒評墨本
坐太息當時苦心誰識得不隨張陸殉龍沈一片魂飛薊

門側薊門鸚鵡中夜號從臣孰解爲貫高未上西山采薇
蕨且同北海餐毳毛韓原戰馬還寧止晉人拔舍何曾死
皇穹如鑒夏靡忠少帝終歸作天子

九月八日同年陳範川太史

鴻舉

招同梁一峯廣文

元 遊光孝淨慧二禪寺呈範川二首

鬢絲禪榻記吾曾廿載塵勞苦莫勝今日重尋留鉢地前
身初悟寫經僧菩提樹長金圍淨訶子林中紺宇激祖意
但求真面目未妨文字乞谿藤

時寺僧競求範川書

寶莊嚴寺晚來過奈此傾欹窄堵何臥閣佛誰燒舍利上
堂僧似病維摩黃龍會散犀香滿白馬經殘貝葉多賴有
驪珠君裒落山門留鎮配東坡

佛山歸舟作

是身如浮雲來去初無蹟朋好或牽挽到處皆可宅禪山
二日留況爲風水隔侵晨趁潮下船旂向東擲沙水旣練
練鳧雁復拍拍登艫發微吟清景慰行役帆迴石角轉縱
橫屯鬼舶候風歲一至今茲倍于昔此輩多橫行拄杖飛
劈歷中酒殺心起不知漢三尺遠人誠當柔他族毋乃逼
迂儒恆過慮元老有奇策遙瞻黃木灣林際升皓魄晚飯
竹林下漁歌遠天碧

範川席上食嘉魚

西江水落飛微霰無數斑鱗遊鏡面漁人夜送輓轡船清
曉仙城競開宴先生湖海氣未除食單未免嗟無魚噉

誰遣到門下跋刺猶如登網初玉臼香齏閒速客河
鯨盡無色獻鬻翻嫌嘯父迂飽鯨未覺昌黎得鄉味耽思
二十年嘗新第一孟公筵恨不小湘烟雨裏美人金錯
紅鮮

去年今日

日是成今日年終憶去年燈明深屋裏人立畫屏前昵昵
雛鶯語盈盈小鳳牋歲寒途復遠消息若爲傳

上元夜範川同年招同緝秋桂裳陳少府榮越華講

院小集卽事呈範川二首

復閣重幃雨又風鬧蛾燈火五人同依花便覺春生座被
酒翻教氣吐空金馬玉堂觀夢幻黃鷄白日唱玲瓏不因

楚簪舊詩集去

圭

絲肉能陶寫法度居然困孟公

君家少府氣飛揚繞遍仙城覓總章早歲經過知趙李新
詞穠豔說康王人間顧曲何曾慣天上聞韶極不忘明日
段園重會飲春風誰按玉娥郎

段園次前韻二首

辟寮芳園滿惠風消寒今夕避雷同華堂徧爇鐙爲樹
幄遙呼月下空人踏歡場悲老大令徵前事笑朦朧
上頓誰能較敢請無多酌次公

竹脆絲輕抑復揚古來雅集費平章兩番繡谷皆詞客
序蘭亭屬墨王上日鶯花吟欲遍宜春歌舞醉難忘可
此會兼清綺領袖人原畫省郎

晦日遣興五首

正月欲盡二月來連旬陰雨不曾開縱饒爛漫桃花發已
誤差池燕子回

二月未到正月關連旬陰雨釀嚴寒未能絮被蒙頭睡且
要槎杯到手乾

朝來竹窗語綿蠻臆問晴時君得閒織女湖濤浮白去麻
姑峯下踏青還

莫道衰顏鬢又絲心情還似少年時如今却遜白頭烏冒
雨猶棲紅樹枝

中和政節亦人情正月盼到二月晴宛宛遊龍過鏡水翩
翩飛燕出蓉城

都甯吟

楚庭書畫詩前集

三

有客新自都甯還奇聞愛說都甯山雲峯四面排禁籞宋
家行殿開其間丞相從龍潛海底慈元一慟隨潮水金枝

玉葉滿南東當年立後更都此指禪蘇劉義立宋宗室改名且都此天爲再

且日再中興亡倏忽渾無定父老閒譚猶可聽蘭臺奮筆

竟刪除稗史成書誰考證元黃剖判代屢移信許傳信疑

傳疑茲地連延走沙浦故宮礪礪埋榛莽遺民累葉縱能

說外客不來焉得睹君今弔古傷陸沈春秋存陳意可欽

從來天理皆人心爲君翻作都甯吟君不見義帝起家由

項梁平林新市推淮陽事雖無成在必錄何況擁戴人堂

堂都甯吟聲苦悲海天有鶴遙夜歸我是殿前蘇指摠

君有君丁運微游魂飄飄何所依願作新宮
赤豹雲端下

雙桐軒贈月

生平無所嗜花月都關懷將花與月較未若月尤
三春發月皎四序皆所以每遇月下牀曳芒屨厥
明扶藜立東階及乎下弦後銜杯坐西齋三五二八
首天中街問月有何好與君心獨諸人生有親賓貴在
睽乖一離未遽合相思杳天涯惟有雲際月心迹無
隨我客燕齊共我官江淮憐我落深室清光露松釵穿
更入戶病眼爲一揩或處碧海角或居蒼山崖依依不

楚辭舊詩卷六

七

捨行坐必我偕自非風雨宵未嘗或藏埋世間有情
能與之儕常娥聆此言含笑門半闔報以霓裳曲鏗鏘
限諧

梁章冉江梅夢樂府題詞六首

小小香閨熟女箴二南風化幾沈吟承恩但說驚鴻舞
負宜家一片心

雲里佳人賜浴初梅亭一步不迴車尹邢玉貌俱當夕
爲姪何貶婕妤姪娥史記作姪何

上陽花艸易黃昏拜賜眞珠欲斷魂奏賦焉能回主眷

嬌終古閉長門文選言相如奏長門賦陳皇后復幸史無其事

鞞鼓漁陽動地來名花摧斫亦堪哀猶勝中道誅褒姒

盒金釵棄馬嵬

珊珊環佩出溫湯
映竹穿花見上皇
風露不辭親一到
似憐南內太淒涼

東宮罵賊是邪非
采筆憑君與表微
怪殺元和豔屋尉
一篇長恨爲楊妃

寄蓉查

老友今餘幾
相看我共君
行鞦如墜雨
心事各停雲
漢將形牙出
秦關畫角聞
平生馳檄手
知否欲從軍

九月十九日吳石華廣文蘭脩會勉士明經劉招同

範川太史儀墨農孝廉克中梁子春明經梅譚玉

生明經瑩侯君樸秀才康孟蒲生秀才鴻光居少

楠秀才鍾段紉秋秀才佩蘭集雲泉山館餞送程

楚庭舊詩前集去

天

春海祭酒恩澤還京分體得七言律二首

題糕節過有餘芬
使院秋閒理祕文
天上景卿爭快睹
山中消息已先聞
泉聲繞座琴笙合
嵐采當筵綺繡分
冒臬諸生渾不管
都將奇字問揚雲

黔山蜀棧飽經過
會汴湘流弔汨羅
持節更爲龍嶠使
采

風還愛蠻人歌先生言會典試四川視學湖南貴州以粵省文風爲尤盛書徵交廣春

秋遠賦奏番禺問
答多鏡吹異時重
莅粵尙能廳館俟
鳴

珂

楚庭耆舊遺詩

前集十七

南海伍崇曜紫垣緝

譚敬昭

字子晉一字康侯陽春人嘉慶丁丑進士官戶部主事著有聽雲樓詩草 劉樸石云曩余於黎二樵寓齋壁上見康侯詩相與歎爲異才迨乙丑九日馮魚山先生招同越秀山登高名流咸集乃識康侯魚山亟稱其樂府獨出冠時近者黃蒼厓出示其集風格清超飄飄有凌雲之氣觀其論詩諸作高挹羣言瓣香當不在青蓮以下 盛子履云康侯天才俊逸古今各體出入古大家而於太白

楚庭耆舊遺詩前集十七

一

爲尤近 黃蒼厓云康侯詩如風水相遭自然成文及夫脫稿如天半朱霞雲中白鶴縹緲不可卽論者以鄺湛若爲南中太白而康侯又能於湛若外另樹一幟生平淹博羣籍少日尤深樂府於郭茂倩本丹鉛數過復挹取六朝三李之菁英故其所臻若此 譚玉生云譚世祥荔支名產端溪峽下家農部康侯先生紀以五言長律歲乙亥余年十六謁先生於西園紫雲閣手書以贈久藏篋衍竟付羽陵之蠹迄今檢先生遺集而詩存與陳秋濤練要堂集云黎仲賜亦荔支名士人得種於黎而嘉其稱並補鄭能荔支譜者所當考也吾粵詩

人尤以樂府擅勝場者共推方九谷而先生實與之相埒如雜謠云水清蓮葉瘦水濁蓮葉肥水急蓮葉稀貧兒三日長苦飢五陵年少金縷衣讀曲歌云情如酒教儂醉幾時試歡情薄厚又云五銖錢徒能誇口大輕薄本無邊竟似於古謠諺中見之所謂幾曾辛苦學妃豨者又如定情謠短歌行等作迥異尋常踐逕自是君身有仙骨世人那得知其故二語差堪移贈

茶村詩話康侯農部兼工文筆所作擅六朝初唐之勝顧不自愛惜流傳者鮮如擬答客難一首七稽一首及雜文一卷吳鴈山孝廉刻之譜荔軒筆

楚響舊詩彙十七

二

記殆如叢殘玉屑又嘗賦珠江柳枝詞次上下平韻並和歌三疊共九十首手寫刻之自識云樂有遺製神明存乎人音無定方周旋甯作我敢云陽春之曲寡和思深猶是越人之歌綠情綺靡聊付雙鬟之唱乃爲拊掌之資至於吹笙以閒之擲笛以譜之牙拍以按之疊鼓以送之曼聲以引倚歌以和之貫絲以繡鏤玉以藏之是在識曲聽真者如云十里珠江畫不如畫樓楊柳畫船書城西打槳月初上花月珠江聞摸魚詞曲有摸魚兒越歌亦作木魚又云江邊明月照烏樓月上枝頭烏夜啼最是傷心聽不得豆欄東接井欄西豆欄井欄并街名又云萬壽亭前

宛轉歌五仙門外水增波勸郎繫纜綠楊樹南指

河南無渡河河南地名又云江上年年三月三楊花雪

落白鷺潭紅巾青鳥無消息家在河南南渡南又

云江波春草碧連空一樹垂楊弄晚風與妾繫船

郎繫馬暫時相見各西東又云珠海珠江是妾居

柳陰停棹晚潮初水頭潮長賣花去水尾潮來人

賣魚又云楊花飛盡棟花殘初換羅衣怯晚寒長

恨人心不如水安欄橋外有迴瀾迴瀾亦橋名又云一

重楊柳一重烟魚尾霞連水色天明月滿江弦管

動二弦哀怨過三弦又云橋東橋西人踏歌濠北

濠南人踏莎一江春水綠於染江上綠烟吹柳波

楚筆舊書巽七

三

西有柳波涌又云珠江江水一何深江柳有枝人有心

江水幾時波渺渺柳枝長自綠陰陰又云故園楊

柳亦堪攀春去春來客未還夢繞珠江江上水惱

人春水隔春山陽春河水中隔一山不通珠江幾處春烟橫斷霞

滿江春水飛楊花一百五日寒食後三十三村人

賣茶珠江之南爲河南三十三村出茶又云吳姬酒熟柳花香越

女衣裁柳帶長一樣琵琶洲上鴨雙飛不作野鴛

鴛越歌琵琶洲上琵琶一様鴛鴦兩様看音節縹緲不減元人西湖

竹枝

升天行三首

升重霄躡奔月仰手攀白榆繁星落如雪鶴背風冷冷電

光瞥過芙蓉城銀河凌空走西海耳畔但覺波濤聲瑤池
桃花藥宮樹恍惚曾經舊遊處千齡一瞬能幾時汗漫人
世多狂辭天人窈窕顧我笑碧雲一去歸何時歸來歸來
兮雲中君兮知未知

蓬萊之山滄海邊斷鼇背高連天山中瑤草如春烟龍
鸞並駕相後先騰輕鸞載玉女咳唾雲端作飛雨與子
遊陽之阿夕與子遊瑤之圃神鳥顧兔西復東金支貝闕
光玲瓏精誠耿耿仙靈通般裔裔紛紛來同袖毫命我銘
新宮鯨噓電掃聲摩空雕蟲瑣細不敢動一百二十鳳凰
鼓翼鳴離離章成仰面向西笑人閒百日生東風

我從東方蒼茫雲海之閒來上排天路中徨徇青童手持

楚辭舊詩集卷七

四

白鸞尾夜掃紫霧閭門開玉階丹祀趨雲雷二十八宿環
三台七襄文錦摩天裁凌雲獻賦揮袖回司命憐我貧處
我金銀臺被我丹鳳裘傾我流霞杯南洲俯瞰不見底但
見一片飛紅埃升天行何壯哉古來何世無仙才

銅柱

飛將下天來橫戈瘴霧開南交見銅柱東漢失雲臺裏革
平生志攀鱗不世才如何傷蕙政千載使人哀

無題

羅襪生塵不自持金環縮臂未相知蠶綿分炷燒香曲鸞
鏡安臺拜月詞百念千嬌春可惜南樓北斗夜何其空懷
世世生願得是朝朝暮暮時

放生羊擬長慶新樂府

清晨入古寺蘭若開靈囿兩角彎環白羊瘦金字雙牌懸
耳後中間年月已漫滅尙識姓名書某某我聞某公在日
勢莫倫富擬王侯谷量畜金張公子相弟兄五陵俠少爭
奔走椎牛擊鼓會衆賓滿堂紅蠟光如晝鸞絃鳳竹雜笙
歌駝羹酪乳餘羶臭萬羊鼎鑊一羊生便祝主人千歲壽
送來古寺十萬緡寺僧頂指頤隱肩佛前跪拜令君壽楞
伽多羅聲沸天寧知親戚骨肉間寒無衣與襦飢無糜與
飢君不見古時上留田牛羊日夕生寒烟

秋懷六首

霜風摧梧桐白露下百草光陰能幾何朱顏不常好昨日

楚辭舊遺詩集七

五

芙蓉花今來已復老中懷悲已淒零涕乍盈抱古柏語青
松相見恨不早留取歲寒枝交柯永相保

憶昨少年場結客相推引糞土視黃金詩篇付紅粉富貴
如浮雲勳名等朝槿如何墮泥塗蛟螭困螻蛄茫茫白草
枯颯颯西風緊安得馳平原凌空放秋隼

秋陰積閒堂日暮蝙蝠飛露蟬抱枯條寒烏夜無枝海鶴
入雲去巢燕依人歸時光乍在苒短晷無停暉悲秋亦徒
爾齊物誰是非蝴蝶爲莊周此義知者希

迢迢望韶亭峩峩九成臺重華飛上天千羽空塵埃往事
成荒唐千秋令人哀撫劍陟曾岡四望生蓬蒿鈞天邈遺
響古池多劫灰眷彼湘竹吟歎息重徘徊

欲寄故人書下筆輒復止豈無寒溫詞浮言非所喜淡泊
平生志持謝同袍子古人有同聲何曾事筆紙金石苟不
渝千里亦尺咫自笑蓬蒿人鬱鬱徒居此

故交日以疎新知竟何託庭戶寂無人閒門可羅雀高樹
蟬猶鳴疎桐葉還落稍爲謝塵囂聊復親杯杓前榮列蘭
桂後園樹護藥孤芳自不言憂疾或可卻

夢

夢魂一千里一夜度江城露重月無影風高雲有聲目成
方眷戀耳語未分明金粟裁衣罷懸知共此情

九成臺

古戍虛殘照高臺出暮霞雲韶在天際烟火遍人家往日

餘斑竹因風想翠華愁予歸未得江上落梅花

雜謠四首

一年種桃核二年生桃根三年開桃花五年結桃實十年
摧爲薪白雲黃土三千春腸斷人閒無限人

東風吹南陌花散作隋堤堤上沙垂楊垂柳咽昏鴉西樓
高高掛團月美人對鏡頭如雪

水清蓮葉瘦水濁蓮葉肥水急蓮葉稀貧兒三日長苦飢
五陵年少金縷衣

城上蒿八月九月風蕭騷空谷蘭凝陰歲晏恆苦寒人生
自非青松枝那能長作三五二八年時

秦鏡詞

龜龍虎雀未銷磨收取長江萬頃波照見關中天子氣風雲無限漢山河

迷樓曲

解道真仙也自迷高樓上歷五雲低可憐博得雷塘土依舊空梁落燕泥

秋夜

獨鶴有秋意羣鴉無靜枝西風吹碧海片月落清池木葉脫未已嶺雲多自知美人歌白露相望各相思

定情謠

春情柔如絲宛轉隨所思無有窮已時一解願將千萬絲織上雲錦機新樣花連枝裁君身上衣二解裁君身上衣自得

楚辭舊詩卷十七

七

長相依與君一身爲一心輾轉左右隨君施三解西海東河有盡期定情如山不可移四解

驪珠行

昔年有狂客謂我南溟徑寸之珠胎吞星吐月天爲開上與雲漢同昭同皎如冰霜朗如鏡照見海上神山山上之樓臺海神昨夜度東海蛟鯨卷尾隨雲雷驪龍抱珠不敢獻滉漾獨宿銀濤堆龍門之山何崔巍鱣鮪再上傷鱗鯁暗投恐遭魚目笑按劍而顧胡爲來君不見荆山之璞未剖足已別卞和韞玉重徘徊祥金躍冶昔所恥千等古柏難爲材驪珠未采君莫哀

醉後放言

文人如春蠶出絲以自縛衣被滿天下身命竟何託
東方書兀兀子雲閣金門事俳優元經終寂寞百齡若朝
露繁華逼搖落却限少年時癡頑矜著作死生一蟬蛻聲
名兩蝸角不如飲美酒腰金跨黃鶴

戲效西涯樂府四首

坑儒

仁義息從橫圖孔孟死無真儒所坑非儒乃坑六國謀臣
餘李趙相秦相秦坑秦漢日扶輪羣儒振振

張良椎

子房非仕漢終始爲韓耳云漢帝者師乃韓報恩子漢爲
力士諸侯爲椎天風雷霆強秦崩摧報韓之志自茲畢從

楚庭舊遺詩集十七

八

赤松子歸乎來

承露盤

承露盤干青天相傳漢帝求神仙茂陵松柏生蒼烟莽新
曹魏時更代武皇不死常年在眼見牽車入魏廷應共銅
仙並垂淚

銅雀臺

生爲周文王死爲魏武帝墓猶曹征西死目安得閉銅臺
歌舞天門開不望西陵望禪臺

春草

尋春春渺茫隨爾至何方一碧自千里四山多夕陽離亭
侵馬足古道斷人腸處處生愁思天涯夢亦長

已未端午莫長卿連日招集放舟端江古崧臺下醉
後走筆兼貽姜星山何秋客何漫生諸子

崧臺中天觴百神一醉下笑塵寰人人閒酒熟菖蒲新有
酒不飲孤良辰何況昨夜涼雨洗江碧天氣澹沲風如春
長卿康侯未識面一笑相逢始相見君家我家百里程肯
作東飛伯勞西飛燕蘭橈桂棹中流閒當筵意氣不可攀
小何倚歌大何笛招手狂叫姜星山名姝窈妙傾夷嬭隔
簾欲出脂粉香明眸皓腕當君意勸酒不惜芙蓉裳長蛾
娟娟掃輕黛一片新月爭清月光在酒葡萄碧月光在
水青天色月斜欲落燈花紅起舞白紵歌迴風目成未成
醉不語微聞薌澤如花濃借君寶鏡揚州銅照我傲骨不

照窮烟花月開復落繁星入夜羅心曾明日重尋水雲

伴荔枝香浸同心盃恍惚巫山十二鬢

十二小
妓名

離合神光

通婉孌爲雲復爲雨是耶非耶獨寐語

二語何漫生
巫山高樂府

我讀

小何篇江上愁心奈何許蘭臺諷諭傳高唐洛神漢女多
渺茫拈花微笑聊復爾維摩一室空繩牀黃鸝啞喔晨鐘
動古來情事皆塵夢君不見浮雲西北馳孔雀東南飛八
生遇合能幾時南北東西各別離江水年年流不絕江上
年年送離別何時重飲端江頭明宵應憶崧臺月

七夕作二首

烏鵲送雲駟雙雙上問天鍾情偏俗物薄命到神仙相別
去還去相思年又年年今夕月多半未團圓

天使語雙星天長億萬齡銀河常會合紅粉幾飄零不死
方情種浮生只泛萍人人爭乞巧癡夢可曾醒

短歌行

百年可憐酒酣仰天白日出入星稀月圓解一高風淒淒忽

焉自西崇臺飛樓上與雲齊解二幽幽鳴絲情多音悲臨風

相思君當知之解三攜手遨遊一日千秋不願升天驂駕龍

虬解四纍纍荒墳何無達人豐肌勞骨同為灰塵解五喧呼歌

謠霞下雲飄往古遙遙暮暮朝朝解六

洗夫人歌

夫人高涼世族封譙國諡誠敬刺史馮寶之配以武功保

障嶺南與梁陳隋三代相終始事詳隋史列女傳

楚屠舊壽粟李古

十

梁陳島夷偏安分北史謂南朝為島夷楊隋二世同亡秦中原置君

奕棋若况南粵隸南海濱羅州刺史馮使君高涼天配賢

夫人天生智勇萬人敵處子劍術男兒身誠敬兩字貫日

月終始三代扶鴻鈞猗獠儋耳雜千峒指揮不異牛羊羣

錦山再整陣雲爛銅柱一洗蠻烟昏惟時不少反側子曰

李歐陽王趙陳李遷仕歐陽紇王仲宣趙誦陳佛智眼中英雄陳高祖識陳高祖

於廣州都督時嗟爾豎子何紛紛雕戈所指自驚潰播弄股掌清

妖氛大開幕府置官屬胙以茅土酬崇勳而翁而夫而子

孫以夫人功朱丹輪石龍大郡轉譙國襁褓小侯封陽春

子僕九歲拜賜湯沐邑千五百椒官驛致分殊珍列布中

庭示來世以忠義訓為人臣楚南嶺西韻水北奄數千里

連齒脣蠶旗銅鼓張繡臆想象麾下趨雷雲木蘭不用尙
書郎一十二載徒從軍銘功鐘鼎著竹帛夫人盛烈古未
聞後來惟有吳越王錢氏忠孝追後塵其餘巾幗加冠巾
么麼南漢奚足云明初保障推何真封東莞伯是亦婢子工效
顰嗟哉夫人誰與倫嗟哉夫人無與倫

聽鳥鳴

朝雨灑江城園禽百種鳴不須論巧拙一一是春聲

落花二首

有序

落花風急孤館春闌未免有情誰能遣此作詩二篇一以
感遇一以寫情從心所寄摠類成章不暇與咏物詞人較
工拙也

回首東風一問天崇芳空谷自年年多窮底事偏吾輩薄
命由來是謫仙癡絕且隨春夢過飄然不受錦茵憐何時
造化從人願海亦無波月亦圓

情天如醉幾會醒有客愁深掩素屏好夢未成霞散綺驚
魂不定雨淋鈴入簾柳絮三春雪照夜梨雲數斗螢歸去
馬蹄香可惜斷腸萋草向人青

讀曲歌二十首

春花自有心春柳自成絲持儂長相思結歡新知
百舌只一舌能作百種鳴兩人本一心中有千種情
情如酒教儂醉幾時試歡情薄厚

莫愛玉連環玉環有時缺兩情終不絕

松上雲相遇又中分願因回風吹交柯重見君
與歡期待久蠶欲飢春蠶飢欲死不斷腹中絲
五銖錢徒能誇口大輕薄本無邊

蓮生便成藕蠶死爲成匹促織對菱花浮聲何得實
裊裊木芙蓉無水又多風朝晨歡未采能得幾時紅
奈何許翦斷鴛鴦翅莫教飛散橫塘雨

團團雙鏡開心心各環照各各千萬重重重自相肖
留歡住拔斷將離花移栽合歡樹

欲識月初晴但看水深淺海水無底旁無邊月在中心轉
團團天上月照我池中水只恐風搖波流光難到底
三更雨切切情人語天明奈何許

楚辭舊詩集七

三

恨殺黃梅雨無晴空自苦僵蠶語飛蛾有絲不得吐
棋枰十九行行十九度暗燭未分明幾度將棋誤
藥團紅豆梢黏著蝸牛子多睛看過春相思直乾死
百年與歡同葬在南山下白骨化黃泥還作鴛鴦瓦
骨作鴛鴦瓦氣作美人虹自能合雲雨誰復辨雌雄

寄西峯草堂李季子

秋氣入天輕空山落照明白雲低樹影黃葉絕人聲之子
事巖隱幽居無世情松花墮潭水流不到江城

大風歌

效玉川子月蝕詩

嘉慶七年七月二十七長鯨吹波海水溢噓氣爲雲爲雨
爲飄風陰霾絕地與天通東烏西兔不敢下顧雨如瀑而

下注風如雷兮憑怒同室之人披髮纓冠各惶怖咫尺不
辨青與素不出於六步七步如墮三里五里霧我聞鉅鹿
之戰動天地昆陽之戰屋瓦飛所聞所見寧如斯去年八
月今七月風信信是無愆期海鯨助虐將何爲連峯簸蕩
翻奔濤拔樹輕如拔一毛輿薪旋轉爲秋毫野人茅屋三
重茅鷄犬亦在雲中號雖有廣廈千萬閒巖牆傾倒崩銅
山天公不壓詩狂死留取狂生載筆記狂生問天天不言
談天乃欲言便便惟皇高高鑒天中宣氣八方行八風風
有東西南北時有春夏秋冬各司其方相爲始終秋飈淒
淒胡不自西胡爲乎自南自北自東是日獨無西風北風一噫土
囊口招搖南指移北斗燭龍銜火不得燃共工觸破天猶

漏囊駝縮項肩連脰東風飄雨將神靈飛車凌空不一停
羽淵黃能出橫行六鼉斷足猶掀騰神山西倒流金瓊青
龍呀呬爲雷鳴龍伯之國皆震驚南風柔弱古不競乃今
突過北風勁大鵬六月氣未息水擊三千奮張翼十萬斛
舟充一食安得扶桑彎弓高彈弋西風金虎專其司股粟
莫敢施靈威噤不發聲甘受欺垂頭喪氣怯如龜漢語濁如泥怯
如龜泥叶泚龜叶滅晉書作怯如龜愚謂龜當作龜與泥自叶意卽如月蝕詩所云耳當告天公取
隼旗下令蓐收搏執之不爾滅死重罰作啞虎付與羅浮

頑仙騎以爲尸位者戒誰曰非狂生支離問天公天公曰
吁風起四方一西一東百里不同狂生如蛙處井底紛紛
妄議徒生風管窺蠡測以自雄嗟爾未見六合之寰中粵

海一角當南東天眼下視方微濛縱令海水作山立八表
未必傷和冲惟是海鯨縱橫騰擲呼風召雨晝夜領領罪
在不赦無俾作慝挾鯨魚目爲明珠煎鯨魚膠製天弧敢
作不靖煩天誅依然海鏡青瑤鋪銀濤蕩謫飛金烏而不
見 皇威風行東海隅偏師已縛莫觀扶前月廣南擒獲
僞東海王莫觀
扶長風破浪行獻俘雷霆西馳掃川湖雨師風伯雷動山
呼

三月二十二日遊通真巖 有序

嘉慶九年甲子春三月二十一日歸自石岡逾青山過黃
泥之坂至石龍灣遂宿焉故人蔣生主東道客舟春夜縱
言邱壑蔣生乃述銅石之勝所謂劉仙棲息地也始從舊

楚屠舊壘詩集七

古

聞豁如創獲延望靈臬耿耿不寐殘夜披衣凌晨振策乃
以二十二日駕言崇朝舍津而塗五里芳郊綽有春態風
禽送音春蟬競響天籟爽發石泉濺流蓋未至名山先爲
神往焉穿林涉波仰見峭壁攝衣拾級梯雲而上洞門豁
開循磴右旋可數十武天光幽閤石氣青蒼大石倚壁側
立緣徑若綫雲根一割無始無終相傳自千仞壁下墜者
豈伊天工驅策神力以爲茲巖蘊靈寶耶石下嵌巖一片
蒼玉盤陀具體則劉仙唱歌石也滑膩如拭摩挲卷然遂
偕友生作團圞坐對面壁隙闊徑三尺乳懸可捫承以露
杯輪郭淨飾縝密溫潤天然自嵌如鑄如生匪甄匪陶而
乳水微注宛若壺漏涓滴不盈振古如斯則劉仙水鍾也

石水鍾容半合正圓潤滑色如宣瓷大如茶甌外微缺一痕天然嵌石水冷徹骨夏不溢冬不竭早潦不改而底無隙旁不瀉具化工而無端倪是不可解

聞尙有劉仙績藤籃在峯頂人迹不至末由覩之想當然耳左右巖室不深蓮座隱見西構房

廊當窗外視衆綠如染其上多石燕依崖而巢聲若蝙蝠搏身齊翼亦異凡族遺翎飛溜翻紛紛凝睇緣崖深造

幽遠旁多暗室元妙靡悉上多宋明以來題名架棧爲廊廊前摩崖則周濂溪遊碣在焉碣右二尺許得宋熙寧時

許彥先記始知巖以通真名由來舊矣而志乘失載徒使

碧澗銅陵嘉名不彰謂之何哉

志稱銅石以陽春舊銅陵縣得名後訛銅石傳聞異矣今遊始得宋碑碑左行書云轉運副使許彥先字丁巳孟夏再遊陽春通真巖夫陽春名巖百數惟茲巖獨有仙趣其稱名當矣而陋儒編書耳目咫尺竟爾失載惜哉

又上爲劉仙巖通觀音巖巖

楚書舊詩草七

五

廊倚空下眺春碧江峯雲林歷歷送目遠帆出沒彈指天

際而近見平疇濠梁交暎運掌可數也百尺懸崖倒垂仙藤翠蕤盈尺同條雙葉弄影迴風望不可卽聞之故老蓋

雙葉連莖冬春不彫不增不減造物者奇耶仙靈者戲耶草木者無情耶無情而有情耶吾不得而知也吾所知者

亦謹爲故老言之劉仙不產於陽春仙經所稱白石山女仙劉三妹者是

白石山在粵西爲三十六洞天之一

是爲西粵貴縣人以

善歌化粵俗謠人至今祀之以爲歌仙唐景龍閒嘗與朗

寧白鶴書生張偉望歌而善同聲同心遂締仙侶亦靈仙而有情者也暫遊萬里少別千年靈蹤步虛亦集爰止安

知不爲陽春高歌唱和雲表况茲巖幽靜靈通朗秀呼吸

陰陽吐納元牝則於仙居宜信劉仙棲息地也而遙遙古今屬和無聞遂使仙心寥寂睠言傷之其在于今果棲息此否時往來否或樂此而忘故都否或未免有情亦未能遣此來自東而眷西顧否或不忘故歡攜手翱翔千萬秋靈飛無閒否不可得而知也惟故老幸教之惟我友生共識之又聞此中人語云每歲花朝爲仙生日覽揆之初與百花共命惟時歌舞降神雨暘響應仙乎神乎其有道者乎仙之果樂於斯而歌於斯乎天問神契縹緲窈冥未寫予心將爲迎送神絃曲授諸髻髻歌以娛神蜚騰天聲病未能也以俟異日聊爲是詩以寄欣慕凡千一百言良以仙山匪今而未覲佳作爲長言之猶恐不足靈之來兮願誠慤之先達解玉佩以要之

我懷還山吟征雲去相逐隨風度青山遂過黃灣宿越人
褰翠被爲指前峯麓雲月蕩清暉遊仙夢方熟侵晨天氣
佳川光日華燭相將乘雲車靈景弄春旭林禽多天聲野
水迴風穀萋萋采薜蕪茫茫醉醺醺醲醲銅陵忽當前崖烟沒
人足雲芝紛紛翻石華靄攢簇青霄垂蔚藍仰見瓊臺矗
信步穿明嵐空香撲巾服冉冉躋雲端旋旋入山腹山陰
下飛石斜倚壓坤軸想當驅甲丁月斧摩天刷千仞落無
根張弓彈輕鏃一綫補天光低頭不敢觸歌臺慶陰陰盤
陀水蒼玉咫尺乍陰陽斯須變寒煥龍口開呀呀鵬翼展
翩翩右脇一滴泉中藏三萬斛懸流不盈尺華池不盈匊

天工製銅壺神漿貯奩盎元牝闕千齡氛氲自膏沐石燕
構雲房將雛繁羽族雙栖爲鴛鴦餘聲亂蝙蝠羽化同飛
仙靈泉飲其福仰之令人羨短翮希高躅未得凌風翔苦
受塵寰東渺渺懷靈脩翩翩振薰浴高高劉仙巖角角蟠
虬蠹乳溜墜天花沿崖霏虛淥古磴流金瓊層臺抱瑛珠
景龍杏子春飛梭火輪速白鶴來何遲佳期絲雲續班班
車驂驚悠悠軒駕鹿離合紛戲游閃映東西條一聞陽春
歌始覺韓娥俗和以瑤華音吹出湘妃竹清商破人天遺
響誰能屬仙骨爲仙才絕世佳人獨海粵一浮漚張劉兩
黃鴛鴻爪印南州兔顧眷西陸輕軀雲翔翔垂髻花菽菽
由來冰雪肌不受塵波黷衣香裁朝霞肩痕斂春綠江天

何蒼茫飛入橫波目鵝鷓爲翬扇蛩蛩踐茵褥芙蓉合歡
帳匝文漪蹙流蘇撒珍珠華燈綴金粟青鑪吐金光蒲
萄烟熠煜仙袂分餘馨神颺散輕馥髣髴聆步虛蘭氣吹
芬郁石室含幽清山邱作華屋阿閣三重階芝房青玉局
高標籠穹廬元樞運輪輻玉繩轉玲嶠金柅止輓轆倒景
掛飛樓抽帆鎖連舳揮鞭移蓬壺鑿棧駕巴蜀元豹隱隱
藏潛蛟深深伏陰壑蘊靈墟琅籤押緘積括囊錦爛斑旁
通儼弓鞬鏡機玉瓏玲斜睨翰箭箠始知萬物母守雌孕
苞育元黃鬱萌芽扶輿各鍾毓蘿帶裊孤烟雙葉靈根夙
共命結同心經冬翠光沃徑寸俯巖松下聽驚風謬誤蕩
天關開平疇豁遐矚雲峯擲連環收羅入粧籠羅襦化綵

蝶翻翻度溪淥五雲縵芳洲五香濯蘭澳雜英開紅桐竿
翠垂青復漱芳注承露嚼藥行辟穀還丹七五一洞天三
十六一息自周還百越久亭莓名都幾低徊人閒日催促
磬骨等蜉蝣頑仙但僮僕命儔集諸天衆媿交曼睽佩纒
結蕭秦連襪挹媧處儀態隨萬方盈盈信貞淑葆真揚高
華和神接清穆靈蹤忽差池予懷空杼袖瓊枝絕攀緣瑤
草猶鮮繹亭亭魂自清炯炯心轉肅列坐參金仙殊塗同
寶籙綺語問靈飛真形披畫幅摩崖壁蒼潤別辭花瑟縮
旁求許彥先近接周茂叔嘉名錫通真殘碑補遺錄熙寧
丁巳夏捫搜左行讀陋儒語詹詹著書亦碌碌摘星遺羲
娥掇藻采原菽一笑心眼空何勞語諄復聊縱逍遙超

然寄濠濮竭來升天行那作窮途哭黃庭通外內青詞相
往復夷猶愴忘歸凌霞送孤鶩臨高臺以軒永謝紅塵辱
緬思靈之來花朝賽巫祝四照花娟娟曾波月漉漉春江
花月夜迎神送神曲傳書竹葉符薄薦桃花粥援琴歌歎
欽披蓑舞速禿衆籟酣笙簫希聲合鼓柷嘈嘈譜神絃幽
幽雜絲肉靈真爲領頤大巫作嘉告升雲半有無娛神託
稽卜雲去水增波雲歸山有木碧雲殊未來自雲滿空谷

論詩

按圖無天馬善陣非神兵所以古真人飄然凌紫清被髮
騎騏驎赤手縛長鯨超超萬象旁無形役羣形迴風一長
嘯絕迹飛天聲世人欲從之雲烟渺冥冥人閒竭人力不

作升天行悠悠我所思十二樓五城

緬懷工倬初亦以規矩耳及夫人巧極天工乃尺咫元精
貫當心萬物在我指人誰可傳言我自長不死有如山水
音自然中宮徵使其按節歌陽阿亦巴里可憐列子肘仰
見伯昏趾機動任吾天道存進乎技奇肱製飛車寧復眠
塵軌離婁公輪般要是人閒子

二十四日至家

我本鸞鳳雛乃作牛馬走出門盡金貂還家乏升斗行裝
無完衣歌嘯尙在口維時歸敝廬臘月下弦後其日二十
四寅春歲乙丑家家競煬竈竈尊尸老婦爆竹兼溼薪黃
羊將白酒我廚無炊煙爐竈亦烏有聊躡東郭履過飲西
鄰叟先生不負腹妻孥且飢守醉歸舞破甕醉吟擊空缶
故物餘青氍千金享吾帚掃我西閒牀缺月入窗牖五窮
莫抑揄與我周旋久驕兒罷寒號鼻息已雷吼殘夜竈君
回大笑相拊手

花朝寒食

河亭草萋萋蝴蝶飛無數寧知寒食節又向花朝度情景
弄流霞芳洲拂輕素隔水桃花人門前烏柏樹誰家油壁
車相逢狹斜路交枝折楊柳牆陰一迴顧我行古城坳南
園縱幽步目遇多懷新情欣已逢故林風忽吹衣對影澹
將暮不食人閒烟自浣花梢露

望廬山

遠近山光一望收
松梢飛瀑隔靈湫
屏風九疊春前雪
去作潯陽九派流

飛來寺

華嚴彈指自飛來
石破天驚眼界開
秋雨秋風山欲動
靈根不定恐飛迴

秋夜

竟夕如人語
風聲在柳條
寒蟲留屋角
野燒入山腰
小院秋將老
長吟酒未消
坐看殘夜月
低度隔溪橋

將軍行

轅門映日畫旗飄
鼓吹風高入遠霄
燕領三秋開豹略
龍媒一道響鸞鑣
毬場射雉寒雲落
幕府椎牛巨燭銷
忽聽

楚屠舊遺詩前集七

三

籌邊樓上令征西
弓箭各環腰

定慧院

秋香庭院磬聲圓
不死無生各有天
綺語未除空慧業
玉簪花下自參禪

端江七夕

烏鵲高飛去故林
神光低度碧雲陰
祇應天上銀河淺
不似人間江水深

東阿道上作

驚風陣陣捲黃沙
一路春寒不見花
殘月疎星楊柳陌
載將殘夢聽琵琶

洛陽樂二首

洛陽董明如玉牽郎衣歌一曲歌一曲梁塵飛舞一回牽
郎衣郎且住遲遲歸

洛陽女隔榴花共郎語紅日黃塵去何處早向兒家對門
住

制府來

制府來來何暮前撫軍今制府制府來何暮國人望君如
父母

解一

海水天飛鯨鯢陸移前軍喪師焚掠橫施咄咄嘻

嘻焚餘之民悲以欲望制府來殄滅之

解二

遺民攀轅日以

千百聲酸心惻喉乾足側救我來救我來望制府來不容
刻遺民日攀轅制府日堅壁大人有謀小人莫測

解三制府

下令合圍急攻出師城南陳師海東大脩戰具樓艦艤艫

差謔舊詩集七

三

礮車隆隆雷轟天聾馳檄海邦要截其衝言勦言撫賊乃

疑懼爭先降

解四

郭婆兒投降書鄭一嫂府中趨張寶兒來

徐徐制府赦不誅翦乃羽鬣撫乃雛俾乃族類相吞屠拜

表上請從便宜以賊餌賊賊易除

解五

制府巡邊大閱師提

督戰海東制府巡海西虎臣獻馘梟臣獻囚各司其司赦

爾鯨鯢充我兕犀張寶兒隸前塵

解六

言撫言勦兼施恩威

或肉其骨或燔其肌弔祖江戮鼓欽鴉舞刑天桎貳負尸

煦之翼之膊之磔之殲之殪之脅從遷之一洗滌之

解七烏

石兒血淋漓張寶兒光陸離花翎晶頂蟒帶繡補風前披
羣醜挾其貴尚子爾子妻爾妻從順者吉逆者夷反側餘

子何能爲從賊長苦飢從軍有餘樂往哉生生崩厥角海

氓蚩蚩制府來誰不慕思

八

制府大選師饒歌班聲郡縣

遠迎犒勞酒牢牲賢者固不測好謀乃成昔爾蝨賊今干
城不折一矢頓一兵南海永清南邦永寧海邦之民歌太
平但願南海永清南邦永寧制府長享高官厚祿垂令名

解九

示絳霞戲用陸放翁韻

燈前滿酌蒲萄酒鏡裏斜簪茉莉花並入玉臺新詠好編
詩丸藥作生涯

春夜端江載酒醉中走筆示客時癸酉二月六日余
四十初度也

檀槽十面撥琵琶暗數冰絃感歲華玉女多情時解珮金

楚馨書選詩集七

三

仙微笑亦拈花回頭春夢渾如醉入耳新聲不憶家對酒
當歌夕何夕大江明月照流霞
夢醒歌闌又曉烟鶴聲一度江天青鬢臨鏡人三五綠
酒傾尊斗十千且縱豪狂追往日肯教哀樂混中年昨宵
明月今朝雨幾許新詩上畫船

離筵

馬上桃花落板橋離筵相送暫停橈不堪楊柳歌三疊猶
自琵琶撥六么殘月曉風春夢斷綠波碧草客魂銷雲帆
一轉人千里回首烟江隔暮潮

天上謠

銅仙立送青鸞飛竹宮露冷秋梧稀雲謠風聽來天上笛

擲霓裳譜新樣十二靈虬咽水壺渴龍下採青珊瑚石帆
陰森撐海月海波夜卷彤雲熱神光飛電燭金天銀臺玉
女工數錢河鼓沈沈入營室碧灣不繫橫天船吹笙人躡
山河影鶴背天風夢方醒千年桃實隔瑤池十丈蓮花低
玉井

重過花埭東園寄潘比部伯臨

蘭槩駐笙歌花田散綺羅夕陽人影亂深樹鳥聲多野色
迷香徑酣紅點綠波南園春草滿詩思近如何

靜夜

雲漢如流水秋江見早鴻江心一片月天角幾秋風涼露
下梧葉幽香生桂叢當窗聞促織欹枕夢璇宮

楚歷著遺詩卷七

三

吳石華風雪入關圖

石華弱冠客大同宣府三年入
居庸關南還又客廉海相見於

廣州出
圖屬詠

男兒不封萬戶侯男兒不作萬里遊胡爲齷齪隘九州吳
君厯落奇毛骨整翮雲霄見霜鶴片影翻飛去超忽太行
北嶽行經過西望河套來黃河聽盡邊笳出塞歌天山獵
騎長圍合盾鼻揮毫墨猶溼名王驚顧先長揖二百年來
慶太平憑高忽若無長城穹廬四野如繁星新詞一卷詩
千首繡滿弓衣在人口燕支爛醉蒲萄酒居庸塞上望君
回雄關疊翠中天開樂府重歌天馬來馬尾旋風馬頭雪
氣作雲蒸汗餘血雪中遙指關山月年來又逐鴈南翔極
目南

北天蒼茫天涯海角皆吾鄉海山萬重天一色回首

長天光咫尺要與書生快胸臆興來呼酒城南樓臨風換
酒鷓鴣裘披圖一笑凌滄洲

題徐夢秋抱琴圖

不作戰場聲不作兒女語南窗一操風入松五月虛堂颯
秋雨泛聲遙寄塞上鴻非絲非木宮非官人閒擾擾箏笛
耳獨彈古調嗟誰同芳蘭猗猗瑤草綠隱處年年自空谷
有時澤畔行且歌臨水登山縱遊目海雪一去天蒼茫南
飛不見孤鳳凰亭亭立望重彷徨古心寂歷神飛揚胡爲
冰炭交我腸今日之日日方長會當一日三百觴百年大
笑億千場君不見山人勸酒顏色好雲松桃花不知老白
雲飛飛江水深海天何處求知音孤桐三尺知我心

六月十八日珠江席上作

掉頭詞客尙情多那更相逢喚奈何照眼好花渾欲笑畫
眉小鳥亦能歌都將綺語參蠻語便譜迴波入衍波只有
璇宮無六月玻璃聲裏度羲和

重登滕王閣

劍氣凌空耿未收依然傑閣俯滄洲尙餘翰墨當時體如
見江河萬古流我輩多情思往日此來春色入扁舟
時立
春五
日翻風跋浪豪懷在先爾歸鴻賦遠游

水碓

奇肱飛車迴衝波金光馳輪揮瑯戈虞淵高春瓊山禾神
鴉翻哉離雲窠璇窗當軒流星過鳴機庚丁來皇娥仙乎

歸風塵生羅衫形歎欽揚清歌孤桐無絃官商和餘聲收
中吾伊何旋驚晴雷鞭靈鼉羣龍奔趨紛騰梭璿盤空
珠傾荷冷天交加環周阿銅渾蓮花誰摩掌關門元虛寧
云多馮夷胡爲誇秋河

玉山舟中連日遇雨

南浦飛雲不可攀片帆東去轉江灣多情最是西山雨送
我鉛山過玉山

法性寺題蘭湖圖三首

蘭湖蘭若話蘭因止水依然不壞身幻影漫疑多薄相百
年曾此閱詞人

藥亭諸君
結社於此

小住禪房度夏寒浴蘭時節雨漫漫西湖泥土仙湖竭留

楚塵齋舊集卷七

差

得千秋慧眼看

千秋彈指去來今聞得空香足印心一勺已同僧入定恆
河珠海任雄深

八月六日北行次少陵北征韻

二十三年秋八月日諷吉南客將北征遠行期盡室敢云
行路難際此全盛日黻佩升朝堂蔬屨謝圭簞雲日近天
光流泉自山出大道有行藏寸心審得失鳴當威鳳先用
豈潛龍勿披衣晨星稀峩冠拂雲切長途懷奮飛回首尙
恍惚關山浩何極婚嫁粗已畢行役日悠悠川原風瑟瑟
水屋明魚鱗山花染猩血遙指片帆飛極目鴻影滅俄經
歸猿洞下照潛犀窟英山雲霞蒸桂水瀟波瀟雄關忽當

前星野劃如裂度嶺重行行臨風一停轍緬懷曲江公風
度匪容悅制科侔伊呂祠堂樹榛栗當時奏雲門感遇契
膠漆芳蘭折春蕤丹橘薦冬實進退繫安危仕宦無巧拙
千秋朱鳥懸萬里白鷗沒仙鶴去人閒遺聲尚天末路出
儲龍潭行過斬蛟穴銀鑄場古螾蛭蛻奇骨想當摩刃
時赤手何倉卒真人自神明驅斥亦靈物誰能從之遊大
荒攬披髮寶劍光欲騰飛霞佩還結古閣餘烟雲鳴鸞送
凄咽徑度宮亭湖萬頃凌飛雪大姑遺繡鞵微步溼羅襪
匡君遠識面五老高垂膝錦屏幾疊張潯江九派折臨流
可濯纓懷寶寧被褐女龍出歌舞怪魚吐噴泄日韻重一作泄故從
之攜將鐵笛吹足使穹龍慄神皋隨手揮仙山又眉列彭

楚辭舊詩集七

美

郎遙相望小姑曉鬟櫛滿鏡皎河澄明粧黛痕抹天門闢
局鑰揚子渺空闊采石秀可餐長江足消渴來艘馳帆檣
乘風浩呼喝拳洲菱苕芳泊野鳧鴈聒過眼或已忘辨口
那容說度河更平聲舟車載路先徒卒淮山信有無湖道喜
平豁決背入秋毫大野盤霜鶻輕車戒長牽後騎忽前突
吾家僅八口有馬止十匹是時寒潦餘常恐開河決兢兢
前車鑿惴惴魚腹疾紆途嗟阻長閒去聲道冀先奪石齧雙
輪方淖陷百夫拔列炬方宵征蓐食候明發驅車歷古原
停驂辨殘碣雲低雪意侵草肅霜威殺天迴子桶斗轂轉
西生月壯士輕旅懷浩歌破愁絕竊比輶軒采久已閒見
別殊俗競滯哇遺風况離析齊女舞康樂燕姬惑妖姐懷

哉柳下工恍此傾城哲良時會升古音異激烈職分司
農曹籌展下國活桑乾長袍關西山早排闥晨趨丹鳳城
夜直蒼龍闕亨衢羽爲儀廣廈材非缺微祿宜卑官遠猷
望先達

泚字韻原作長嘯生
秋風遠遊迫冬日

次韻答彭春洲見寄

彭郎一隊高拔戟鯤鵬氣勢無南北長歌遠寄長安客風
義雲天白疇昔屋梁落月哉生魄悠悠我思君所憶燕臺
南望越王臺日月沐浴滄溟開蜃樓變滅閩海市雲車指
點歸蓬萊離鸞一以別孔雀重徘徊出山慙遠志起家非
吏才郎立陛楯同優俳吏行鴈鴛交堂階壯心久已驥伏
櫪孤根更恐橘踰淮黃梁夢夢異今昨白髮種種參歡哀

楚辭舊詩集七

七

當年快讀凌雲賦驪駒班班送君去祇道文章定有神寧
知遇合仍關數君今幽栖念遠路手把芙蓉遙一顧珍重
千金同尺素想見槃阿勞寐寤飛來古木蒼梧雲延佇佳
人碧天暮雲河相望不我遐天問支離亦何故青楓江上
多雨霜春陽轉律迴鴈行去日已去來日長暫遊萬里聊
相羊虛名復何益得酒猶能狂酒酣獨立天蒼涼青春白
日何堂堂坐令志士摧中腸短歌長歌歌慨慷海天極目
空茫茫

四川管 秦良玉事

桃花馬上請長纓

見莊烈
帝賜詩

西賊聞之心膽驚揚旗走馬來

神京豹死留皮人留名二百年來見太平都人猶說四川

管錦袍畫戟飛英聲同時惟有沈雲英寧南左侯奚足稱

豐臺花 曼殊事

長安城頭啼曙鴉夾城花氣蒸紅霞舊時人憶章臺柳至
今人說豐臺花春風一夜吹紅紫散人長安十萬家趙北
燕南佳麗地珂里香車炫珠翠西河先生宮錦袍走馬豐
臺折花戲折得東風第一枝玉堂仙客多題詩碧玉由來
小家女紅裙漫醉五陵兒鏡臺祗照生花筆螺黛新添柳
葉眉素絲省識羅敷婿黃絹爭傳幼婦辭北方佳人還獨
立東鄰處子寧相及梁園花落眉樓空羅幃自卷春風入
一篇唐棣入毛箋芍藥相將劇可憐花是將離雲易散風
吹裙帶不留仙豐臺花發年復年斜街上下春風顛絕世
傾城難再得漫遊花市拾花鈿

楚簪舊譜別集七

天

楊椒山祠

貪狼爲騶牙欽鴉爲鸞鷲渾敦與窮奇凶囚非一族何況
羈生罷蠱尾兔在腹當時頌太平高拱受仙籙天醉方夢
夢國政日蹙蹙羣小如相疇孤臣可痛哭伊誰竊斗柄啗
我以爵祿寧謂社稷臣甘受犬馬畜百折有鐵骨再起更
補牘鳳鳴陽不睢廡角邪必觸攀龍雷爲句叩階血出漉
蛇膽亦何恃赤心吾自足竟同三字冤莫遺百身贖空懷
代死疏不救無辜戮青霞並罹禍剛峯旋詔獄遂令六君
子聞風起相續可憐黃芝祥屢邁錦衣酷哲人旣云亡國
運隨已覆宗社爲邱墟神姦窺邑屋青史一代遺金鑑千

秋燭 聖朝特褒忠樂府補遺錄祠堂二百年事在人心
目傳說徧都市起敬逮童僕腐鼠尚猶臭芳桂有餘馥仰
祝天蒼蒼再拜風肅肅明神爲民正傳芭薦秋菊

聽聒聒戲作

北方鳴蟲羌無故實
一物數名詳見篇內

癡女問姑姑癡兒喚哥哥
嗚嗚應聲繁聒聒入耳多稱名
雜不類自呼良已訛
胷鳴翼鳴屬化生卯生那數典箋釋
蟲誰復爲縷視穉子偷向市結籠挂庭柯
導以招涼草借汝安樂窩
豈伊不平鳴聽之平且和樂府譜囉噴餘聲引
那何嘖如鶯出谷急作珠翻荷繁音聊可喜
絲竹應殊科半閒門蟋蟀百戲鬧火蛾等是兒
戲物一笑寧煩訶數子乃么麼同時得
蝨莎夏蟲而語冰感物時易過良夜渺星
河朱門沸笙歌清商理妙曲洪厓領姮娥
銀箭遲玉漏壁月流金波千彈皆咽
屢舞方傴僂琵琶聒如雷遑復知
其他

玉簪

張南山屬同作

秋水盈盈秋夜長搔頭笑問夜初涼
綠鬟欲墮無聲膩素面偏宜淡掃粧
月下相逢花解語帳中回憶夢留香
藍田省識當年種待賦閒情倩玉郎

南山有玉香亭本事詞

前題

疊韻

臨鏡梳頭鬢髮長背人還怯瑣窗涼
珮環自結水仙伴金翠全輕時世粧
斜插寶鬟春半醉橫陳玉體夜生香
細君歸遺應諧笑吏隱何妨粉署郎

前題 三疊韻

多麗翻成擊節長
玉瓏璉譜賀新涼
臨池喜作簪花格
顧影羞看墮馬粧
一刻千金憐解珮
兩鬢百萬許分香
扣扉抽取通靈去
知是誰家白面郎

前題 次南山韻

玉臺新詠愛芳姿
簪筆分題此最宜
香晚故交成獨立
神清翻似畏人知
翠翹金箭渾無用
秋菊春蘭各一時
張翰黃花餘妙語
更揮銀管寫烏絲

前題 次辛山韻

總翠青條不借春
一瓶秋水冠時新
倚聲欲度參差玉
對酒還傾鑿落銀
貼地留君花下曲
用孫荆玉反腰掛纓憐貼地銜玉簪事

楚唐舊詩集七

三

汝鏡中人清歌徐舞沈沈夜光動
瑤璫白紵巾

買花

種花而得花有如勤學植退之矻窮年終獲稽古力
買花而得花有如好官職相如拜貴郎
叩笮爲動色又如買多財乃笑農力穡
一開金谷園立致青雲客
我來櫻桃街門隘地無隙
終朝向花市頃刻移香國
貧士乃自豪對花頌酒德
百錢兩三叢一生幾輛履
春夢誰是非解嘲聊自適
花間語流鶯小住應相識

買燈

春宵掩關坐短檠
寒無光起行琉璃廠
相將出廊房踏燈
買燈人東市西市忙
百枝環轉輪千花
粲成行敲作玻璃

聲散爲牡丹芳生魚飛緣空么鳳倒含香種種具色相一
一垂光芒喧喧九衢陌擾擾百戲場中有走馬燈面面門
相當奔騰雜鴛鴦追逐迷驪黃亦如上沙堤占路交駟翔
前行隔後行旌蓋遙相望紛紛白面郎飛鞚紫游韁人生
有如此吐氣干圓蒼歸來踏孤影月午夜未央門前車馬
客振策去揚揚

寄彭春洲

一片燕臺月清光接海涯秋風催白鬢鄉夢到黃花遠道
多離思幽居足歲華懸知著書處江影漾蒹葭

東坡官於岐下歲暮作饋歲別歲守歲詩以散官居
都中三年矣又值改歲爰反其意仍用其韻得詩

三首

楚齋舊遺詩集卷七

三

旅宦解客嘲開編得談佐諒無四知金曷取百闕貨閉戶
閒庭深虛室天宇大獨酌有餘歡加餐且高臥醒來還瘖
語繩牀爲上座行跡雲出山年光蟻旋磨何勞作人情聊
用寡吾過白雪積空階陽春屬誰知

歲晏日已馳留景寧淹遲魯陽無由揮夸父無由追我來
率海濱三載依天涯天海各萬里今昔同一時况從金門
隱已覺吾道肥人生百年中曷懷千歲悲我奚與歲別歲
亦不我辭明朝四十九幸未中年衰

月躔門牛虎歲次交龍蛇飛矢中一激魯縞那容遮善守
不爾假任運如吾何含飴語阿好孩笑方啣譁今秋得女孫名好姑

不聞塵市喧一任鈴鼓搗旋看斗闌干又見參橫斜朱顏
與蒼鬢倏忽隨蹉跎雲藍被新服且向兒童誇

恩許得四品服

續編詩草成走筆漫與

虛聲回首少年場哀樂中年去日長爲問千秋見來者可
能留此一毫芒

中隱誰云似樂天二毛滿鏡已蒼然天池倘縱池中物猶
得逍遙二十年

楚庭舊遺詩前集十七

三

楚庭舊遺詩前集十七

譚瑩玉生校

南海伍崇曜紫垣緝

黃喬松

字鑑仙一字蒼厓番禺人貢生候選雲南鹽課提舉司提舉著有鯨碧樓嶽雲堂詩鈔 劉樸石云蒼厓少與余同事筆研以家累溷蹟鹽茨暇則仍手一編究心經世之學往者曾襄事治盜密陳方略海氛既平自以身居枌榆甘同馮異生平尤篤師友之誼詩筆清俊逸情雲上惜隨手散佚故所存不多 謝里甫云傳人難翼傳人以傳者尤不易覲蒼厓喜與寒士鑄詩稿安得盡取傳人述作

楚庭耆舊詩集卷六

一

付蒼厓手中也乎 張星南云蒼厓抑塞磊落之

氣蓬蓬勃勃一發之於詩上下古今別具絕大魄力以漢魏六朝及唐宋共鑪而冶寶光騰耀精芒四射幾使人瞑眩顛蹕不敢逼視 譚玉生云蒼厓提舉家無擔石而座客常滿李秋田徐又白陳苧村鄧心蓮鄭棉洲諸子恆主於其家與 國初詩人顧俠君同有薺菜孟嘗君之目嘗闢半日靜坐齋以著作自娛兼喜詩古文詞援筆立就而制藝尤擅勝場應省試累薦不售歲戊子學使翁遂庵先生有相馬篇爲提舉與樊昆吾上舍作也固不僅如前明陳白雲我 朝周靑士學宜僚市隱

詔太白詩仙爾又云木棉爲嶺南第一花提舉嘗
賦七律十首其警句云南國繁華偏霸氣東風藻
繪大文章又云海市夜開懸寶炬仙山春宴集明
璫開吟社徵詩一時諸名士屬和者如宋芷灣觀
察云要對此花須壯士卽談芳緒亦佳人張南山
先生云撐開瘴霧馳飛電掃盡癡雲出彩虹又云
四明霞氣朝猶溼三峽雲容夜未移潘伯臨比部
云飛龍飲澗髯皆赤老鶴蟠空頂換丹黃香石殿
校云春樹蒸霞鸚鵡啄碧山如畫鷓鴣啼李秋田
茂才云樹有精靈還寄託花非山海不昂藏又云
衣帶飄花紅雨溼淚痕彈樹夕陽明劉智孫先生
云無用故能超劫運多情曾此送降王徐夢秋茂
才云祇應樹許嶺南擅從古花無天半紅並足爲
木棉寫照至劉寅甫先生十首以經籍詰題似可
不必然一序獨奇麗如云觀其絕倫逸羣揚輝奮
炎暘谷搏木枝下九陽銅臺脩莖雲表百尺洵名
筆也又云一鱗片甲皆由五采屑玉零珠焉成百
寶鼠穴貽諂於康莊烏有自居於誕妄言之不文
了無當矣則固自以游戲解嘲爾

茶村詩話蒼厓提舉喜談經濟業禹莢揮金如土
遂至侘傺無聊嘗賦夢游仙詞如云一曲雲皴韻
絕清隔花遙立許飛瓊故將紅豆調青烏怕向人

前道姓名又云月佩風裳馭碧鸞紫桐花下小盤桓阿環畢竟癡兒女猶戀紅塵下廣寒又云了髻青童綠束腰杏黃衫子裏紅綃正防塵世將愁寄故向風前吹玉簫別饒寄託曹堯賓九十八首正恐未能專美於前

雜詩六首

錄二

千金市七首握之不盈尺作作看有芒鋒銛勢莫逼野鬼欲破膽山精駭魂魄持以贈五丁摧頽萬山碧用以屠雙蛟奔流千里赤辟邪降神女懸挂虛堂壁護聖號將軍倚仗黃衫客何如腦後藏曾不露肘腋一夜風雨驚神光遠騰擲決讐怒裂袂濡縷自辟易矍然入空飛猶聞作霹靂

楚辭舊詩集卷六

三

天上玉麒麟閒與蒼龍戲咆哮驚帝座下謫流沙地骨格已權奇性情尤矯異未遇等鶯駘伏櫪甘廢棄孫陽不再生汗血何由試秣畜隨圍人連羣來列肆我行適相遇一見驚神驥數載蹙霜蹄莫遂騰驤志邂逅得龍駒豈容失交臂識驥一何難驥生本非易驥思酬所知萬里一朝至

夢游羅浮用郭景純游仙詩韻九首

錄八

雲烟恍離合兩嶠羣仙棲石扇呀中關左股分蓬萊丹邱間青巒瓊藹雜香莢上有了髻童導我飛雲梯飄忽自茲去不告黔婁妻一旦騎茅龍豈效藩觸羝三千瑤島會十二朱樓齊

福地疑瑯嬛言謁淹雅士萬里天風來清嘯入雲裏同游

者伊誰個儻香石子泰泉逸高躅詩孫得初耳精廬溯在
昔雲構屬後起蕭散弄寒泉飛屑漱玉齒林閒彩蝶翔條
下青鸞使

翁施五色芝色奪朝霞鮮吾家有萱蔭鬱鬱當番山爲駐
北堂景時和南陔絃金萱日茂對異綵輝林泉宛與此芝
似浩蕩凌蒼烟願乞紫芝歸萱庭相比肩忘憂滌百慮益
壽期千年

浮雲歛變遷碧草易凋謝仙山無古今游客忘冬夏道人
鸞鶴倚幽棲觀物化遺我青藤杖策我雲中駕餉我黃獨
苗期我松下舍從師控長螭風雷歸叱咤

偶過黃仙洞擬隨赤松游天風欲引還疑是海上舟仙人
本吾宗意興時相投攜手入林麓嘯傲娛春秋平潭睇飛
清一濯臨洪流

凝碧泓空青澄心更濯魄毛髮鑿無遺三里水飛白慘徑
鋪風花誰是凌霜柏途遇安期生雲陰月初夕仙筵設火
棗雲廚傾玉液蓬萊話清淺坐對忘機石花鳥自親人余
亦忘爲客

滄溟湧靈曜綉彩千萬狀東從暘谷升林巒盡宣朗海水
立眼前雲巖作奇響憶昔扶胥游三更渺幽想銅鼓鏗神
祠驪珠獻仙掌嗟子厭俗氛豪懷每來往世外得奇觀寰
中息羣象爲拗搏桑花勝結珊瑚網

若齡好探幽此志未傾頽斯游原幻渺差足愜素懷雲端

馭神駟耳底旬晴雷蓉裳戴月游芝蓋隨風迴仙禽爲我
喧丹扇爲我開煎瓊花瀉地煉液雪成堆俯瞰冥茫中齷
齷增人哀

那蠶村歌

黃雲垂天白日暈朱旗翻波碧血噴血腥四面薰長隄紙
錢一陌啼孤嫠江外招魂魄未到烟墟人散棲鴉弔

鼻烟效韓孟聯句

佛法淨六根原無眼耳鼻翠繞珠圍中朝歌夜絃次聾瞶
多緣生聰明亦爲累如何鼻觀尊也習烟花戲傳聞淡芭
菰風產伊涼地剪葉柔絲焚置筒明火試納腹爲鯨吞噓
空騰蜃氣此物仍云烟屬辭相比類煽火全虛空風光尤

楚辭舊詩集卷六

五

細膩玉屑飛無聲珠塵堆有綴晶瓶堪管束珊蓋還珍祕
貯合紅荷囊佩結青瑤璫名士時當場豪吹欣得意偶把
一尊開咸爲三昧嗜賓朋閒贈答壺匣拜頌賜撩撥金鈿
先溟濛仙藥墜氣蘊醪醕深香滋蘭麝媚捉鼻歌方長悚
神吹作致灌頂愈醍醐充腸高糗糒一噴一醒傳再接再
厲恣兩腋清風生渾身仙骨利無茶渴亦療乏酒神能醉
珠唾隨飄空睡魔羣走避鄙絕阿芙蓉火灼人憔悴亦有
蘭州烟坎離聊濟治至竟含烟氛未及畱清悶矧茲鼻祖
求不假炎官使壺裏得乾坤南中消瘴癘華蕨兼檳榔指
揮同僕侍作僞防島夷選材須上駟鴨頭汎綠光龍腦通
靈瑞盈盈玉甲挑文采成花穗領趣超仙凡含神游夢寐

如吟風騷篇如獲金蘭誼在花爲合歡在果爲益智

鬧魚歌

并序

楚俗亢旱以茶麩毒魚網利名曰鬧魚瀧河上下數十里
燈火燭天男女雜選余丁丑秋客瀧夜泊觀之作歌

天昏月落雲黯愁有客瀧江來泊舟松明烈焰四圍集喧
呼遙出瀧東頭千人萬人走沙岸遠火近火明潭湫一江
腥氣惡風作修鱗鱗尾翻沈浮大魚昂頭類哀泣小魚閃
目隨奔流籃筐在手紛攫取嘔啞曼曲交廣酬初疑搖洞
趁夜市又訝海國張俳優燈火漸散人影亂青燐熠燿蟲
啾啾我聞不綱聖垂訓貪殘最苦苛誅求一民一物慮失
所忍教淫毒流荒陬吁嗟早乾越一載億兆如此魚何尤

楚庭著舊詩集卷六

六

魚羹一盞肅晨飯令我廢箸增煩憂

途次寄劉桃村

上舍

雲水無端遇舊知多君風義重臨歧而今落拓江鄉路不
似燈窗夜話時

浮山十詠

錄八

酥醪洞

一山飛一瀑空際引人來深洞古雲鎖水風吹忽開陰森
翳松竹金碧出樓臺倚杖遠引手諸天鸞鶴回

凝碧潭

激石開三島奔流匯一泉迢迢噴空出飛落碧潭邊積蘚
散青霧夕陽生紫烟無風慣吹雨一半入晴天

白水門

水與雲同壑穿雲一水微水行山自立雲出水爭飛樹挂
臘前雪寒生游子衣跣跌坐磐石靜對久忘機

茶山

後瀑促前瀑小鳴還大鳴出山兩飛瀑同一在山情四面
松濤逼三更天籟清桃花流水外滌盡管絃聲

石竈

浮山千萬竈一竈獨飛來終古煎瓊處空山少劫灰陰陽
大鼓盪晴雨總風雷九轉還丹日丹成人未回

夏陂

雲鬢萬千重沈沈太古峯何年破平磴放出兩游龍半壁
冑烟日遠蜨眠澗松行歌二三子不住和飛淙

楚庭舊書遺集大

七

橫雲谷

瀑影定天影風吹澹欲無雲微一層隔人立四山孤鶴語
遙相答龍耕近可呼璇流洗瑤石采采有仙蒲

暗花谿

林暗疑欲雨花香飛過山不知花落水吹入幾重灣樵響
峯腰出漁歌谷口還連朝杜鵑放人住彩雲閒

華首寺景泰塢歌

并序

世傳塢本景泰禪師與黃仙法戲用三昧火煉成三千座
散置四百三十峯人閒流傳者絕少里甫諸子從華首寺
榻得見示偈曰諸法隨緣起如來說是因彼法因緣盡是

大沙門說字雜行楷篆隸瘡類金玉甄石古意斑駁聞寺
中所藏二瘡一爲秋鏡長老曩年獲自飛雲絕頂一爲通
善侍者適從杜鵑峯拾得云

鑪鞴金火騰祥氛神物凌空飛入雲二千浮屠久不見優
曇一雲光再現蠹空峩峩烟壑開力馱龍象須彌迴一瘡
初逢已夸說廿年重覲尤奇絕昔從雲頂鋤雲根踔躍神
光投世尊杜鵑峯脚偶翹企善才侍者良緣至偈鑄四語
本平澹百讀迴環殊不厭隨緣魚梵起松風緣盡雷音剽
慧劍字蹟屈曲珊交枝鈿頭釵脚虬龍鬚鍾王楷隸李斯
篆錯雜變幻多離奇體質非金亦非玉古苔斑駁含深綠
商周彝鼎媿堅蒼秦漢碑磚同古穆想當幻法戲黃仙景

秦登壇會衆禪神工鬼斧羣斂蹟法火呼噓花吐蓮鈞陶
超出人天外三昧炎炎生五內兔烏龍虎渾銷鎔天女夜
又咸望拜界判三千運法輪牟尼珠現時迎人招邀山海
羣靈魄作鎮羅浮萬古春傳聞風雨此離合往往山魃峯
寺狎披蘿帶薜閃燐光射影含沙棲露葉野狐禪媚亦張
軍百八鐘聲如未聞拋空靈瘡逝雷迅一一星散羣峯分
炎烟毒霧倏淨掃佛日曠曠神鏡照座中景泰低眉看天
半黃仙昂首笑滄桑閱世幾經春暗虎銅龍守護勤龍泉
埋地隱復現後來得者皆前因峻嶒雙瘡忽在室萬丈毫
衝華首壁高惟七寸列檀龕氣壓三摩微道力吁嘻斯瘡
胡由名相輪七級無遷更旁門外道總非是乾坤正氣誰

能爭

聖代龍光照遐僻龜馬圖球靈祕出卽今法寶

重名山合與天琛貢 王國

游黃仙洞坐磐石上觀瀑布

飛出懸崖端走入深樹罅飛崖走樹兩無定旋看天外神
龍挂我初遇之歎奇絕眼前有景寫不出霜痕陡劃殷紅
缺烟光橫界空青截奔騰趨下成激湍激湍撞石石欲裂
非徒繪影兼繪聲頓合石破天亦驚風風雨雨時離合
礫松篁遠周匝隔斷松篁只有雲神龍出沒誰能分神仙
本是吾家事紺宇瑤宮一天地空山葱鬱雲常住定有仙
人相笑語何不騎龍且歸去

除夕浮山第一樓次家香石壁閒韻

楚塵舊詩集六

九

飛樓縹緲出嶙峋座對梅花作主人萬古名山長不老百
年今夕幾閒身我來天外初聞道誰向壺中更買春徒倚
闌干問仙史可容雲水作齊民

梅花下待月懷家香石卽用宿明月寺韻三首

錄一

久說羅浮月梅開月不同寒光低在水香氣暗飛空春色

清如此良宵倍憶公美人來未遠環佩動天風

時聞香石
有來山之

信

五度攔雲上飛仙逸興多我來入烟水君渺隔天河香霧
封瑤席明霞挂碧蘿春光畱未得何日賦槃阿

酥醪漫興 錄一

晴空無雨落松花羣玉樓頭細品茶明月一天山一角夜

涼如水課南華

寄酥醪觀中諸子

居原草草別依依風雨羅浮合又離仙夢乍驚塵夢續出
山深惜到山遲兩年十日晴剛好四百三峯水更奇春色
滿囊詩一卷杜鵑開約再來期

卅年夢破一身輕百里山行兩日程雲水果能全孝養文
章早已薄時名花村禽蝶多投冷蓬島滄桑少變更卜宅
買田看草就移家端不負前盟

初春重游鼎湖舟將薄岸久雨忽霽山行口占

隄花開笑柳初醒早有峯巒出峽迎廿載名山重到日三
旬積雨一朝晴飛梯路人穿雲白絕頂人來宿月明萬派

松濤千尺瀑天風天籟故聲聲

海聲堂祭詩歌爲李秋田作

詩人詩筆傳心聲大海爲才縱且橫排山湧練氣勢盛觸
耳但覺風濤驚人咸觀海君聽海獨立空堂伺元宰水仙
一操蓬壺陰寄興靈槎鳴欸乃昔年詩海會手編海聲堂
闕俱前緣五朝十郡會仙鬼絕詣羣推廿六賢崑崙探源

曲江發金鑑千秋光史册不徒相業冠開元五字深醇先

太白漁洋歷朝古詩選五古唐代止數人先曲江於太白云爲有唐正聲離奇古峭推陳陶

晚唐詩骨還清高嗣音風度是風采余公靖筆墨凌雲霄

繼宋而明前五子珠槃玉敦南園始高岑盛軌紹孫黃

古錦囊開吾御李德後五先生接蹟奇秦泉絳帳三城

師李滄溟王元美旗鼓震中夏嶺海文瀾卓不移江門風

月醴醴味海目聲華天下貴若論經濟首瓊山鼓吹休明
銷意氣世閱滄桑百六交炎天一柱支徒勞蓮鬚才子青

蓮筆黎美周詩論者謂青蓮後身海雪畸人楚客騷鄒湛若以離騷為師諸公大

節日星炳灑落雪聲尤健勁陳巖野著有聞詩聞禮庭

遺獨甌高風滿清聽 皇朝海日開春陽程周量詩為開國正聲

著有海日堂集清越朱絃宜廟堂六瑩天品自超絕梁藥亭著有六瑩堂集

寶劍騰霄寒有芒餘子孤懷嗜肥遯么絃側韻仍深穩逃

禪或署羅浮僧天矯龍蛇天遠近數十年中 文運昌二

樵骨力超張葯房黃虛舟幽芬遙襲麝蘭氣古藻時生金

碧光魚山氣體愈雄博遍讀五車遊五嶽彝倫天性蔚中

楚響舊詩集

七

聲海雨天風轟高閣三家五子紹唐音馮黎中興尊藝林

山林鐘鼎各矜式海聲堂上羣靈森靈旗閃閃飄松牖金

鴨香冲貫牛斗颯來風雨天冥冥鶴馭鸞車在招手海聲

一集排當場主人拜誦聲琅琅四壁雲垂海斗立龍宮仙

樂交鏗鏘鯨鐘鼉鼓旬接龍女鮫妃嘯歌咎絲桐一曲

鼓南薰雲水三春昭慧業神人大笑掀霜髯此集瑯嬛合

記籤神來隱隱芑嘉福神去欣欣戀錦函黃蕉丹荔崇殷

薦北斗泰山人共見諸君洗耳向春濤劃有轟雷喧海甸

詠古十首 錄六

秦繆解愛才攘夷立奇功用謫得由余遂以霸西戎拓地
過千里落落多英風報德在重泉耿耿存孤衷士苟得知

己身隕名無窮哀黃鳥賦蹇蹇匪臣躬

之推不言祿祿亦竟弗至疇昔亦勞止靡盬從王事當時
恩遇加轉足爲身累撫躬慨以慷行矣甘播棄將隱焉用
文豈下窮途淚奉母入山深結茅先得地晨昏事歡娛尸
饗縈夢寐今古眞賢豪能愚始爲智

朝奮博浪椎暮進圯橋履少年血氣盛胡忽作長跪隱忍
能下人孺子受教始椎亦爲報韓報之繼以死履亦爲報
韓報已竊自喜當其誤中時大索咸陽市輕生等鴻毛哲
人豈出此迨爲王者師從容適行止高舉務任俠浮名棄
傲疑前有黃石公後有赤松子飄飄事遊仙免遭夷僂耳
秦皇竊周鼎徐福誇神仙海上有三山絕頂蓬萊巔其人

楚曆著舊壽巽大

主

盡富貴壽考無衰年瓊仙列侍史瑤草生腴田祖龍輒神
奪馳志神山船福也奉使去男女僇三千一去不復返別
島開桃源非爲事求仙救民出生天非徒救三千欲禡王
魄先鮑魚自遺泉海國龍蛇經綸邁王霸蹤蹟隨雲烟
漢帝築高臺酒酣歌大風高歌歸故鄉鄰里樂融融父老
各進觴願毋忘困窮載歌守四方龍虎氣能熊壯士泣數
行期能柁始終帝獨還鄉土羽羞見江東萬古此榮歸令
人思沛豐帝竟誅韓彭羽不殺沛公萬乘此忍心令人想
重瞳僂功豈豪傑天亡亦英雄

淮陰當困阨一飯不果腹及其侖王被誅夷九族母能
哀王孫千金知報復信不識漢高三齊請封速延雷鐘室

時何如東海麓太息智士胸不及婦人日鍾離逃人漢畱
侯託辟穀明哲乃保身富貴誠非福千古磊落人進退多
碌碌

雲泉山館二十二境 錄七首

穿雲逕

人行雲亦行人住雲未住杳然不見人但見雲來去盤旋
入層雲人聲落空翠

環碧樓

自有元龍臥不須高百尺萬木環抱中寒光動樓碧靜夜
傳霜鐘一聲破濃碧

索笑檐

楚屢舊遺詩集大

三

凌晨遶迴廊幽光起雪色雪冷迴春温花深益香國粲然
塵外姿顧我如相識

綠陰坳

禽語出林中人來自山下一逕碧森森屢失同遊者倚杖
秋氣深綠雲滿襟瀉

橫藤墩

荒墩愛小坐松竹森排衙兩耳響琴筑四山飛烟霞塵世
蹟不到藤陰時落花

江景亭

遠岫列青螺雲際時隱見飛空湧月輪海波光白練一幅
江景圖適挂雲窗面

埋憂塚

大地皆歡喜何來憂可埋憂固未爲真理亦詎有涯劉伶
故作達東方多詼諧

鄧心蓮

秦

茂才陳亭村

澗

上舍見示春雨聯句之作

次韻奉答

避地城西隅屋漏悵湫隘馬磨牽機緣塵容易疲憊龍泉
日拂拭精力老匪懈從來論英雄那必計成敗自笑騰天
龍久作困泥鯁因人搗手版輾轉走公廨一紙仙雲飛情
親忙下拜元龍別多時詩筆愈豪邁詩城請交兵酒禁立
開戒伯約稱神逸放出須彌芥醉極互唱酬篇長逞機械
歌嘯轟雷霆無虞俗子怪咫尺吾睽違特遣詩爲价陰雨

楚屠舊遺書集六

丙

愁經旬翰墨快償債鬪險皆尖又爬癢若癬疥擲米師麻
姑成珠技狡獪幾日池亭陰春波勢澎湃病骨鳴珊珊黃
昏纔小瘥莫由相過從竟似劃疆界憶昨臨敞齋暢談恣
警欬古味時相尋豪情殊未壞燈船又燈市前後饒佳話
舍利色卽空輞川詩有畫壁箋和瑤章或勝聆梵唄

春夜雨後同家宅山

玉成

段紉秋

佩蘭

由雲泉步月

過蒲澗寺寄香石二首

錄一

夜訪招提影不孤一雙仙犬一奚奴洞天過雨雲來往澗
路迷烟月有無塵境榮枯原夢幻名山歌嘯屬吾徒佳游
欲借黃荃筆補作春宵秉燭圖

題曾墨莊

德翰

畫冊

錄一

雲低竹影深風亂泉聲碎仙院閒無人一鶴行空翠

哭細姬

菽水無能事老親代子子職諒子貧晨昏膝下承歡地從此開顏少解人

蹒跚雞骨強還支難覓人間續命絲何日封題三尺土爲卿親寫斷腸碑

一經一塵一蒲團風月無心夢久安此去大羅天上會定應添箇女黃冠

次譚玉生

瑩

茂才韻柬陳任齋四首

錄一

人海埋才易侯門覓食難身仍羈俗網名敢玷詞壇入市同磨鏡逢場也據鞍元龍偏老健意氣獨桓桓

楚塵耆舊遺詩集六

五

子夜歌

錄一

兒時種紅豆紅豆已成陰莫枉相思淚初心非妾心

讀曲歌

錄二

蓮子自甘香苦心含一苗將子種湖西開花還結實燈火太炎涼琉璃殊脆薄炳夜成心燈相親莫相觸

游子吟

游莫說有方近亦是異鄉何況關山遠隔雲樹含蒼茫爲求華簪厚祿榮高堂翹首桑榆夕照黃昨宵夢向高堂度色笑承歡尙如故策兒努力青雲路青雲路可期夕照光熹微夢中歡笑是耶非望斷長安一紙詞杜鵑啼出簷花下正道不如歸去也

上畱田

上畱田田隈蔓瓜颺開花兩兩將成實蒂竝如何堪小橘
傍有鶴鴿啼訴我朱雀橋西是故棲紫荆花裏爲巢居慈
母將雛卵翼齊彼其骨肉交爭奪一樹荆柯亦摧折鶴鴿
驚散隨風葉破卵覆巢情忍割鴻雁序雲鳴哀哀弔鶴鴿
紫荆冷落瓜花明我方蔓草生春句叩門忽報阿連至

公無渡河

公無渡河河流不可測轉眼生風波風波勢急呼船救四
面蘆叢藏盜寇葉葉如飛環客舟篋囊與窾皆翻搜風波
未必舟盡覆賊到金賞無一畱邑吏俄聞羈客至慢藏誨
盜危言警十年追捕全無濟舟客沈冤死狂狴

薤上露三章

薤上露一葉一珍珠炫影侵蟾兔

薤上露三更復四更光聯蟾兔明纖華衝鶴唳滴作碎瓊
聲

薤上露薄晨曦瓦上霜痕亦漸稀讓讓仙掌既熹微矧茲
一葉薤更有風浙浙誰揮鐵如意擊碎花琉璃五城昨日
冰山倒一鏡今朝紅粉老

禽言三章

多多雨幾年苦旱連吳楚水田漠漠還無苦吾粵山田難
悉數如膏春澤天公佇赤日微薰便焦土此邦不厭多多
雨

泥滑滑雨多多連旬匝月傾天河補天無術將奈何水田
浪盪奔蛟鼉岸田波汎傷嘉禾康衢平陸皆盤渦泥滑滑
雨多多

脫破袴提壺盧關山千里行人孤舟不得平江車不得坦
途破悶一杯酒探囊錢又無無酒難銷愁鬱紆饑鴉亦自
啼烏烏餓蝶求花曲徑趨喬柯打折紅珊瑚雨風沈重雲
雷轟獨立空堂弔影吁且脫破袴提壺盧

穗城新樂府

茉莉帳

梅花紙帳酣春睡粵客豪華情未恣綉鋪熊膽禦寒威牀
琢水晶銷暑氣暑廳涼散花芬媚一桁千絲穿茉莉花眼
模糊人半醉九華帳覆鴛鴦戲千霄錢樹誇神通繞夢梨
雲狎花闕錢樹吹來大海風梨雲飛逐五更鐘梨雲錢樹
一囊括輸與花田茉莉農

芙蓉燈

阿芙蓉俗名鴉片
烟見李時珍本草

薰天毒霧時騰騰碧窗夜閃芙蓉燈筠筒尺二互投遞酒
海花城欣得朋熒熒四寸黃金蓋鈿盒芳膏春貯滿燭龍
張燄送銅籤頃刻清芬蘭麝散疎身噓吸舒雙腋云有仙
風通百脈神仙何在青烟滅鬼影幢幢來破宅秋田句君不
見東鄰樺燭輝金蓮十載求仙到木天西鄰燈燼芙蓉稿
漫說驕奢紈袴好

白鴿廠

金錢四散飄空濶一青蚨隨白鴿就中聚鴿張茅棚虎
視狼貪藏衆猾十間標廠開堂皇萬室愚兒日趨謁不怕
如罽官法烈差胥兵弁相鉤結千字舊文爭拾掇藏關射
覆空情熱鴿來鴿去飛烟滅廠中陷設營金穴出塵鷹隼
來何時一霎平蕪灑毛血

木魚棚

盲詞唱出月明初格調尖新號木魚單衫窄袖人粗疏亦
有芳姿玉樹如晶瞳小玷微雲羅細數歌喉一斛珠千金
聲價重閭胥七寶車迎花市趨花棚突出高丈餘火城列
燄紅雲鋪蟻羣擅逐擁媚狐人海人山相叫呼四絃觸撥
流鶯語寂不聞喧共傾耳沁心透骨相思起浩蕩春情含
箇裏參橫月落始歸來綉繹情辭餘味回凌晨更上珠江
舶青眼紅粧羅女樂

題桃花白頭翁烏障子

不爲相思不爲愁一枝無那稻梁謀仙翎豈合風塵老已
被紅粧笑白頭

乙酉上元夜久雨新霽徐鐵孫榮孝廉樊昆吾封上

舍鄭棉舟葵鄧心蓮泰兩茂才同過小蓬山館坐

月卽次棉舟歲暮見懷原韻錄一

兩絲風片人新年一半愁邊半夢邊陰翳強張人日宴團
樂歡集上元天澄清萬里懷同壯卓犖千春意自憐知己
難逢良夜少月明如晝會羣仙

陰雨口號

三春首夏總淫雨百尺飛濤瀉漏天

東坡句

絕似坡公到蒲

澗心空蒼蘓坐安禪

鎮日牆陰雲水流虛堂真作釣船浮
咿咿拖膝學漁唱只
少一枝鳴臚柔

楚庭耆舊遺詩前集六

九

楚庭耆舊遺詩前集十八

譚坐玉生校

